

兩浙輶軒錄補遺

兩浙輜軒錄補遺卷二目

錢瑞徵 朱雯 史在官 許琪 陸業

宋嗣京 趙隨 譚吉瑄 張玲 王穀韋

徐灝 陳詵 張皓 高以永 徐潮

王存稚 顧祖榮 黃士埏 丁爾俊 馮景夏

祝翼權 曹三才 邵璜 孫文明 吳震方

鍾璜 陳之羣 曹鑑倫 錢登峯 陳獻御

陳莢 沈筠 盛楓 王廷燦 紀寅

項奎 杜致遠 董師植 濮淙 褚唐傑

施清 韋人龍 韋人騏 韋人駿 俞森

胡湄 胡潑 褚陸玖 諸來聘 沈皞日

戈朝英 戈志熙 丁裔沆 吳涵 聞元昊

曹士勲 滑吉登 張會祚 褚廷琯 馬耀曾

沈賦 俞長城 汪煜 顧永年 章振萼

張芳湄 高怡 湯敘 沈辰垣 張曾裕

丁棠發 陳元 徐南珍 張韜 黃驤

沈不負 錢振鷺 錢樟 徐景穆 商和

丁樹 王廷獻 俞鼎 屠達 黃文玉

周宗樞 濮光孝 朱衣客 張發 沈育

查克建 徐廷獻 許惟模 李永祺 劉烜

徐善建 朱嗣美 許湄 高興 吳卜雄

黃百藥 孫藻 孫大志 郭襄圖 丁文策

沈家恒 徐容 俞長策 楊存理 黃正誼

莊歆 錢泉 陳响 傅王雯 曹樞

汪繼燦

詹銓吉

周  
銘

陳光斗

兩浙輶軒錄補遺卷二

錢瑞徵

字鶴菴一字野鶴又字髯公嘉興人康熙癸卯舉人考授知縣改衢州西安教諭著南樓詩草忘憂

集

草等

朱彝尊忘憂草序畧錢君居下位不以阨窮爲憫而吟詠自適其詩無饒肝鉢腎之苦一暢其所欲言

汪嘉穀曰贈公爲香樹太傅之祖官西安時持行嚴謹課士有法歿後崇祀鄉賢

幽居次竹垞太史韻

一縷茶烟向客迎  
幽人啟戶正詩成  
庭餘亂竹疑山影  
樹倚明窻落鳥聲  
形到忘來偏莫逆  
交於淡處倍生情  
有時相對渾無語  
絕勝高談四座驚

罌粟

紅紫亭亭手自鋤  
茆階鋪作豔羅瑜  
米囊个个當秋種  
試問臣饑療得無

朱

雯

字喬山石門人康熙甲辰進士官濟東道著自知齋集

嘉興府志雯初授孝感令晉江寧同知擢山東提學篤于同氣兄汀州司李霞沒撫其姪如子

余習曰喬山之夫人沈氏亦工吟詠有閒遠樓詩彙

舟次青縣

潞水滹沱合黃流古道迴浮雲高鳥沒孤堞夕陽開煙火干

家聚舟車萬國來秋風歸省迫南望每銜杯

西湖曲

楊柳風開透白蓮闌干深鎖不成眠斷橋夜夜歌如沸南北

峯高又一年

史在官

字二俊一字紀雲餘姚人康熙丙午舉人官廣東新寧知縣

姚江詩存紀雲經術湛深尤精易理云退之餘卽事吟咏工於神韻最爲浚遠居官多惠政至今粵人猶頌甘

焉

漁火

滄江日暮水光寒齊唱漁歌理釣竿  
點點殘星時出沒熒熒冷焰逐波瀾  
漫依岸柳隨風住驚起沙禽帶月看  
欸乃一聲天未曉朦朧疑是蓼花灘

許

琪

字蒼山長興人  
有樂研齋吟藁

魏星杓采若編琪通皇極經世學妙解推測自知非功  
業中人遂作出世想嘗獨遊四明括蒼台宕諸山得神  
仙術歸隱弁麓既而語人曰  
聖天子在上四民安業當共享太平矣時康熙紀元之壬寅  
也

送友人之白下

楓落雲依樹難爲遊子顏不堪移雪棹送汝出星灣  
紫氣鷄鳴寺春風牛首山六朝遺跡在佳處莫空還

陸

棻

字義山平湖人康熙丁未進士己未召  
試博學宏詞官內閣學士著有雅坪集

兩浙輶軒錄補遺

卷二

許琪陸棻

隨園詩話義山當國初鼎革時馬將軍兵破平湖將  
殺其父義山抱將軍膝求代將軍奇之取扇上詩示之  
曰兒能讀是即赦女父朗誦曰收兵四解降王縛教子  
三升上將臺此宋人贈曹武惠詩也將軍不殺人即今  
之武惠矣將軍喜乞以爲子後得脫歸已未舉鴻博入  
詞林上奇其才一日七遷至閣學才一年引疾歸自  
題華表云一日七遷千古少  
周年致政寸心安又十年卒  
俞寶華曰義山閣學官翰林時適試翰詹以豐澤園賦  
理學眞僞論共八十九人擢第一名重冠時著有雅坪  
集採入

欽定國朝別裁中

都門人日送高念祖南歸

燕市同爲客君歸我尚留淒涼鸚鵡賦憔悴驢裘春酒消  
微綠鄉園託遠愁寄言同學者心事愧林邱

自豐城抵萬安江水大漲

春江灌潦水百堵沒滄洲金已遊魚鼃涯難辨馬牛櫓聲來  
木杪帆影度城樓雙劒沈何處清宵起暮愁



會稽道中

未識山陰道東偏出會稽山山巒粵秀岸岸水田低畫艇鳥  
蓬小長堤石版齊誰家遊冶子盡指若耶西

朱嗣京

字禹玉一字定山仁和人康熙丁未進士官饒州知府

輓簞山先生

抱道如夫子于今得幾人文瀾驚走電彩筆欲生春環賜  
宸恩亟綸宣帝眷頻蒼生方待澤箕尾忽遺塵北斗懸終  
古南軒志未伸哀哉門下士涕泗盡沾巾

趙

隨

字雷聞嘉興人康熙丁未進士官福建提學

中秋宿禁中

秋意何蕭瑟含情此際長高林墮宿鳥虛壁動寒蟬野性由  
來切君恩未敢忘蓬瀛清絕處最愛晚荷香

譚吉瑄

字左羽嘉興人康熙已酉順天舉人官禮科給事中

蓮石詩話左羽爲舟石太守仲弟與竹垞先生中表相友善曝書亭集中有喜譚十一兄自粵閩過余維揚及集藤花下送之舒州詩皆爲左羽作然所著僅涵萬樓疏稟世墓圖說續刑法敘畧合之竹垞所云雕蟲何足尚辛苦羨名山二語殆不欲以詩名者今從別裁本補錄

汪嘉穀曰左羽有聲諫垣舊例六計弊吏年老者多以教職充數瑄上疏稱貢士銓選需時甫得官年已老矣若復以老去官可乎

請停勿劾事詳府志

弔戰場

祈連山下草寂寞少人煙魂魄千年後還思渡酒泉

寄懷維揚諸子

憶昔嘗北征挂席渡揚子鐵甕城邊王氣收三山明滅海雲裏一夜西風入廣陵沸天歌地動蕪城千秋萬載傷心地明月高樓酒自傾諸君意氣動南國甘泉山畔逢顏色爲歌長

缺上君堂感君傾蓋開胃臆高堂滅燭正留賓燕歌趙舞歡  
無極翠金晶盤金叵羅珠簾綺閣映微波筵前未歇蓮花舞  
道傍忽聽驪駒歌驪駒不可駐新知漸成故楊柳落永溝佳  
人渺天路江水東流北固高衝風駭浪難飛渡男兒三十未  
成名今朝白眼向誰青萋萋碧艸江南陌兩度相思空月明

張

玲

字露森仁和人康熙已酉舉人官定海教諭

寄速朽

千山萬峯不見影入山風暖出山冷山泉汨汨客聽之泉未  
響時中有詩道人坐月如坐水施食臺前白鳥屎

王穀韋

字郢叔山陰人康熙庚戌進士官淮安知府

紹興府志穀韋授中書遷兵部夏包子脅從諸人多擬  
重辟穀韋平反之湖廣土司請採官山臭泥韋驗之乃  
疏黃持不可守淮時力  
請蠲涸田稅四千餘頃

同月車車金不云圖 卷二陳詩

俞寶華曰野叔政績卓乎可傳詩不多見于國朝詩選得一絕亦樂府遺聲

索驛馬

不是羽書馳呼冒何其緊一馬供自騎還須一馬引

徐 灝 字歛生仁和人康熙庚戌進士官工部都水司員外

曹岬 栖乘瀨性至孝攻苦讀書每朔望錄所舉行焚香告天所著有古今言行類編雪溪省身錄諸書學者稱勿箴先生

題臥癡樓

十畝閒閒地潭深花影橫伊吾開卷趣欵乃權歌聲世法從

癡看文心逐臥生登樓見山色最喜是春晴

陳 詵 字叔大一字實齋海寧人康熙壬子舉人官至禮部尚書謚清恪贈太子太保文淵閣大學士

旨酌 杭州府志說巡撫湖北時江浙米貴奉議救濟遂大弛米禁商販啣艘東下而楚米騰涌立借

藩庫五萬金貴糴賤糴以家貲償減值三省米價悉平

送張權六之任烏程

紫微碧浪一程通絳帳高懸品不同曉市千家連峽雨暮帆  
六幅落蘋風牆頭草逼書衣翠殿角花侵講席紅莫對空盤  
吟苜蓿魚蝦正滿水晶宮

張

皓字小白一字晴亭海鹽人康熙壬子舉人官刑部福建司主事著賦閒樓詩集

沈珩序畧晴亭於詩縱情獨往靡不與會曲盡於麤豪  
浮豔之弊刊飾晶淨蓋其天才雋拔而又深沈于好書  
故也

楊瑄墓志畧皓亭自朝謁外惟日讀書取友發皇見聞  
後長公芳湄仕農部遂乞歸遇鄉黨有恩其沒也行道  
多爲流涕

汪嘉穀曰比部爲給諫惟赤子  
再世清宜有廉聲卒祀鄉賢

題友人所藏黃谷畫龍圖

劉君示我清溪絹上有黃谷所畫之蒼龍此公死去已寂寞

獨留煙霧飛長空攫拏鱗鬣勢不已颯颯暑月生秋風筆墨  
不受古人縛精神乃與造化通大旱歲當遣一出霖雨膏澤  
蘇羣蒙主人真賞能致此風雲常向安公里皎皎杲日升牆  
東應抱龍編臥經史

楊中翰維揚見過

日落空山鳥自啼閉門芳草正萋萋一簾花氣書籤潤滿院  
鐘聲塔影低徑僻故應無俗客君來始覺慰幽棲風流祖德  
誰能並目送鳴珂過虎溪

曉發采石

溪流古今月月照古今人獨以幽栖意能閒物外身鳥情歡  
向曉草色淺當春何日高峯上憑虛一問津

高以永

字子修嘉興人康熙癸丑進士官戶部員外有高戶部詩

姜宸英序畧先生詩一以雅淡爲宗匠

心獨運蕭疎閒遠自然與古法相合

朱彝尊序畧君成進士出知內鄉遷安州所宰皆敝難

之地吏牘實煩竊意君無暇爲詩矣迨入官戶部新墀

王阮亭侍郎見君

所賦詩亟稱之

高孝本曰先君作詩雅不喜與今人牽率酬應亦不屑

擬議古人興酣落筆數十章頃刻立就或時反覆推敲

一韻未穩苦吟

竟日晚節益細

汪嘉穀曰戶部初宰內鄉有惠政內鄉與襄陽接壤兵

火之後村落久墟綏輯未踰年流民蠲集煙火相望旋

移知安州值歲飢發倉廩散給全活無算去之日扳留

遮道沒而有赴京師哭弔者爲守令凡十一年未嘗携

家到治於其歸也蕭

然書卷自隨而已

### 過徐勝力南樓

徐生真我友行止亦相如多病能留客家貧喜買書雄文元

爾事清夢卽吾廬並坐明宵燭涼風滿碧虛

月出近殘更憑高萬籟清重湖當檻秀斜漢入樓明城郭疎

鐘歇關河秋氣橫悠悠此情話聊與見平生

山亭逢所知

生意渾無著天涯一轉萍如何忽相見秋日此山亭叢桂堪  
偕隱芳樽肯獨醒坐憐幽興在不惜眼雙青

送張平山赴西粵

張生磊落懷壯圖何久坎壈風塵途昨來彈鋏不稱意日暮  
款段尋吾徒自言三十猶未娶衰親白髮無人顧小弟嬉游  
失誦習他鄉念此誰能度昭王臺畔春風生辭我仗劍天南  
行桂林之山蒼梧野苦蒸毒霧龍蛇橫君何好奇爲此適抑  
亦慷慨男兒情君不見馬援銅柱諸葛碑古人異域勞指麾  
英雄事業世所羨老死章句眞何爲東門悵望楊柳絲金羈  
玉鞭將別待軒車歸來慎勿遲高堂萬里恐繭思



內鄉山中雜詩

昔聞此地惟榛莽鹿豕紛紛害歲功且喜新來成小聚數家

煙火翠微中

七卷

寒林燈見更傳呼袖拂清霜野店孤土銼旁邊爭向火試看  
人馬盡來無

蕭家集

顧五幼鐵過內鄉賦贈

何處曾攜手京華旅食年夢飛松寺月句斷酒鑪烟落落存  
吾道悠悠見汝賢爨桐驚尚在無事設朱弦

徐

潮字青來一字浩軒錢塘人康熙

浙江通志潮以刑部侍郎出撫河南苞苴屏絕凡藩司  
加平糧道贈耗知府季規悉為革除南陽黑鉛之累  
清衛輝辦漕之弊閱四載擢戶部尚書奉  
命董高寶堤工相地任役僅百日工竣尋轉吏部尚書乞休

卒于家

南巡紀事

聖代時巡重欣逢熙皞年寒輕猶北闕春迴已南天仗入江  
雲遠旌連海日懸萬民齊引領羅拜

翠華前

飛輓供京國長河卷素濤地官難作計天步不辭勞刊滌蹤  
非遠平成績並高江鄉好安枕明鑒析秋毫

初日照江城城邊鼓吹迎何知

九重遠眞見六龍行結隊疑山勢羣呼作海聲翻勞

聖天子愛惜到欹傾

問俗風淳古遙聞誥誠嚴深宮先尚儉長吏敢忘廉舊習風  
斯變豐年瑞屢占從茲比戶慶藏富在茆簷

瀛臺 賜魚和趙少宰韻

氷覆霜鱗色瑾瑜承

恩齊向苑中趨臨流欲躍千鬢集繞樹爭攜萬木呼波飫蓬  
池名最美影連緋袋寵先殊還須共識和羹意免得庖人越  
俎虞

王存稚

原名兆多字  
麟友鄞人

續耆舊傳先生寓江都與退山獨厚退山自傳稱以爲  
異姓骨肉砥礪甚至先生在遺民中最後故曉山東陸  
無文詩云吾師有小子孤曰王生一爲緘相思艱難  
保令名是也證山隨筆有云余近見麟友年四十七而  
鬚盡白有女無子殊  
不欲歸故園可歎也

暮春陸無文招同陸淳古林茂之邵方壺程穆倩孫豹

人錢退山孫無言吳賓賢蔣別士林祖遠王眉雙僧

梵伊集樂山精舍賦贈

禪扉遙對蜀山泉景物分明在眼前竹密斜通芳草路鶯多

欲駐杏花天座中詞賦渾如洛塵外須眉宛似仙謂茂游子

邨能無感慨萊衣讓汝侍華筵祖遠即茂之子也

顧祖榮字山容仁和人康熙癸丑進士官內閣學士

杭州府志祖榮歷宦清班與修平定方畧一統志唐類函諸書居京邸門不施箔以蘆蓆蔽風雨性至孝雙親

在里累乞終養好窮西銘皇極之學子寧繩已卯舉人有文名

俞寶華曰山容閣學詩無專集然種槐諸絕風調清華彷彿中唐亟存之

瀛洲亭補種新槐紀事

天上分明應列星陰陰密葉接柯亭也知不比閑桃李曾見

三株綠滿廳

綠痕先上最高枝得地才知雨露宜已卜他年鑽火候好分

餘影當青藜

託根何幸傍瑤京好護枝條待長成想到濃陰涼似水曉風

吹過讀書聲

長養多歸尺五天春城無際是晴煙扶疎亦抱凌雲意擬向

文昌殿裏傳

黃士塤

字灝山石門人康熙癸丑進士官編修著館課詩

施嵩曰灝山太史居玉溪溪上歿後家漸零落未數十年子孫有負擔于市者館課詩之外遺集罕傳可慨也

和馮閣師亦園韻

元老幽懷寄林壑開樽掃徑共論詩疎枝已濯風前影淺沚初涵月下絲四座高吟追曲水一庭秋色似東籬鳳城好景堪吟賞選勝偏宜休沐時

慈仁寺古松歌

古寺蒼松盤石砌挺生欲與丹青麗向日偏存霜雪姿摩天已作蛟龍勢磊落扶疎歲月深何年忽受俗塵侵却令白社

成屢肆豈識青松無市心幾枝憔悴半生動高空鶴影時相  
送月冷猶聞老幹香歲寒還許幽人共欲掃塵埃爲樵門重  
教沆瀣涸枯根白雲留住不復去長護千秋碧蘚痕

### 紅葉

天外茆茨靜掩關楓崖蘿徑望中閒秋光淡蕩千餘里紅遍  
江南水際山

丁爾俊

字堯明一字飲泉長興人康熙癸丑進士官工部虞衡司主事著養素軒稟

蔡啟傳曰堯明天資穎敏以詩名負重京邸少依父環大名郡署與胞弟廷枚親受余業王子舉京兆試又出余門下癸丑聯捷授行人司晉工部主事年逾壯而殁貧無以殮徐健菴先生實經紀其喪一子凝甫九齡文藁已付梓遺詩隨手散去深爲惋惜

### 梅花莊探梅

編籬五畝不多誇攬勝西溪便作家二月山居春已足半簾

疎影對梅花

馮景夏

字樹臣一字伯揚桐鄉人康熙癸酉舉人官刑部左侍郎

鄭虎文傳畧公始授陝西長安知縣遷山東膠州知州擢廬州知府陞江蘇布政使叅政加安徽按察使轉布政使尋內召爲副都御史陞刑部左侍郎所至多惠政嘗督蘇松糧儲奏請用小口斛見一統志子二錦陝西

宜川縣丞贈編修次鈴安徽巡撫

汪嘉穀曰張瓜田畫徵錄言公生平好寫山水有董文敏筆意年七十餘猶能作蠅頭小楷

題畫

山頭雲靄靄山脚水粼粼矮屋休嫌小開門處處春

聞鈴兒乞假歸省遂圖其意以示兒婦并繫以詩

日下行人何日到天邊征雁已先歸倚閭遠盼扁舟至不聞

晨光與夕輝

祝翼權

字端宸一字斗巖海寧人康熙癸丑進士官工部員外郎著有吟廬集

楊秉初曰先生爲豫堂典籍之祖少工制義與韓慕廬  
宗伯齊名又遊龔合肥張京江兩公之門最加賞識詩  
格初宗玉溪溪晚好眉山予所見多  
秀麗婉約之作殆中年以前詩云

### 煮茶歌和傅笏巖

曉院轆轤如轉轂古牆不碍詩城築春雲入頰細無痕卷簾  
長嘯清酣獨十年閒爲一官忙乘興何當頻看竹故園荀蕨  
夢中肥覺來初報凌霄熟我昔最慕武夷茶解事還能散馥  
郁沸鼎松聲噴綠濤雲根漱玉穿飛瀑此時拄頰意超越置  
身仿佛南冷曲小軒蘭韻午晴初箇中自有眞清福不須斗  
酒換西涼春芽絕勝葡萄麪習習生風兩腋間狂來潑袖忘  
杯覆所謂伊人在水湄詩來百讀沁心脾鶴怨猿啼歸未得  
文成應有北山移

### 春暮



小院斜陽不滿庭。鷓鴣聲裏閣輕陰。綠窻深鎖瓊簫怨，香夢誰憐子夜吟。花雨點衣分麝氣，柳風引扇撲蘭心。軟塵一片長安道，烟驛重重無路尋。

綠溪莊卽景

策策花泥溼漸消，尋詩不覺過溪橋。垂楊一夜風吹綠，選就鶯啼一倍嬌。

曹三才

字希文，海鹽籍，海寧人。康熙乙卯舉人，官內閣中書，改鎮海教諭，著《半硯冷雲集》。

沈宗敬序，畧希文以明經射策京師，周游齊魯燕趙間者三年，所至與其士大夫及邦之碩彥游，覽山川商確今古，收之奚囊，形諸歌咏，要皆溫柔敦厚和平爾雅之音。

望家書不至述懷寄內子

小兒女解憶長安，應算歸期悲復歡。每到聲華佳麗地，還思粗糲腐儒餐。良朋幾處傷離合，薄俗何須計暖寒。好待秋高

家釀熟桂花巖畔話團圓

秋柳

記得青青河畔時千條萬縷濯春姿可憐荏苒風霜後一樣腰肢兩鬢絲

邵

瑣

字殷先一字柯亭餘姚人康熙乙卯順天舉人官昌邑知縣

王貽上曰龔介岑嘗携邵子柯亭詩過余請益近日李武曾復誦其詩餘數首其詞良勝于詩力爲之梅溪玉田不難到也

俞寶華曰柯亭因隨父北遊遂寄居順天孫笠塘承遺命守先人墳墓復歸姚江

永昌成

能仗節誓力爭撼門痛哭爲本生海上羝潮陽馬老顛風景何瀟洒傳粉簪花雙角髻琵琶一曲千秋涕

清流禍

駕帖來金閭哀忠良誣織清流災旨出東廠何勞猜何勞猜  
怒如雷厠上血肉飛紅埃北寺淫義士碎輕死者市兒輩彼  
公卿何粉黛

九月十五夜作

鐘傳人定月華明漸覺新寒夜氣清露重似宜添羽帔樹疎  
何處著秋聲一燈舊雨鄉園夢殘夜西風獨客情身世不從  
詹尹卜流行坎止足吾生

途中絕句

截竹編籬三四家捕魚種水作生涯江南煙景都堪畫五里  
旗亭十里花

孫文明

字麗滄餘姚人康熙乙卯舉人  
官寧海教諭有大觀樓詩藁

楊文藻曰麗滄受知於張石虹先生其五七言近  
體刻劃中渾然無痕蓋學唐人而得上乘者也

橫江辭

雲暗石頭城風迴牛首麓  
竚望橫江頭燕子舍首  
舊徘徊橫江濱沙草綠  
于竹江上芳蘭春正開  
江中鷓鴣夜夜哀思君  
不見臨高臺一日春潮  
兩度來

塔山晚竚

古殿深秋色空山落木聲  
微烟籠浦樹空翠動江城  
水曲帆移緩天清雁度輕  
蒼蒼遠海岸千里白雲平

桑乾河

金湯天設鞏神州馬上相看快壯遊  
西枕居庸通大漠東穿漢時散平疇  
空臯日落人歸渡古磧風迴葉滿洲  
此夜蘆溝橋上月不知清練照誰樓

寄遠曲

早鶯啼盡晚霞紅望斷扁舟綠浦東坐攬銀箏譜閨怨花光  
竹影隔簾櫳

入西園

茗上花明十里隄輕舸漸入小橋低迎人最是空山鳥特選  
高枝隔水啼

吳震方

字又超一字青壇石門人康熙丙辰進士己未傳臚授編修官陝西道監察御史著晚樹樓詩稟

汪嘉穀曰侍御歸田後著書自娛有說鈴讀書正音等集

送同年汪舟次使琉球

綵仗導中流天清蜃氣收江神持璧獻龍女抱珠游風日如  
三輔乾坤此十洲崆峒有長劒抵掌說封侯

部內山川古搜奇好繫船酒醒龍酢苦鹽沃蠺房鮮史託徵  
車譯詩從賈舶傳洪荒開闢後長此祝

堯天

度大庾嶺

五嶺傳炎瘴臺關最嶺東春風先破臘冬氣不藏虹絕磴  
緣度迴巒曲折通車徒無礙轍盡日到南雄

開鑿存祠廟千秋憶曲江魚鹽通五嶺齒角貢中邦梅子懸  
青彈松濤撼碧幢候暄催客路來問嶺頭瀧

庚午除夕

今年春意遲除夕尚殘臘是冬寒雪交戔戔層冰合江湖凍  
成石舟閣如候閘菜心捲入土塹面斧難認皮焦脚未煖熾  
炭猶屢踏膠口鷄不晨熟寐午在榻燕溼婢指結冷竈吹宿  
燂頻喚持羹湯痺坐噤莫荅酸風無刃刀殺人何拉雜慘慘  
若天怒朔風壓城邑短衣或無複履決不可輟謀食升龠間

瘦妻泣嗚咽或見襄行子沒踝方踣踖俄聞溝中瘠宛轉忽  
已溘旬日稍融液鳴榔聽雜沓復遭三尺雪歲宴九地匝樹  
頭封鳶烏水腹閉蚌蛤勾芒潛重淵土牛未騰跼嚴凝何時  
休椒酒漫盈榼安得徧寒者賦與千萬納願求破凍風舉手  
叫閭闔夜久戀歲華團圞餞深閣節物凋壯志霜鬢日蕭颯  
應有豪貴人炙笙燒絳蠟

鍾

璜字佩遠石門人康熙丙辰進士官禮部祠祭司郎中

戲題司馬相如傳後

滯迹臨邛亦浪游求皇一曲兩情投笑渠解作長門賦却使

文君怨白頭

陳之羣

字興公一字後溪武康人康熙戊午舉人著後溪樓詩集

武康縣志之羣博覽強記尤工詩賦與韋人鳳唐靖稱前溪三子所著太湖賦紙貴一時

兩浙輶軒錄補遺

卷二

金

之

重

古

徐熊飛日後溪詩爲王文簡公所賞龔村宗伯贈以詩  
云強力雄才跨兩京談詩四座覺風生吾衰學得秋蟲  
語仗爾驚天霹靂  
聲其豪健可想

靜林寺

寶殿初開地珠宮出化城溪迴青嶂遠山靜白雲輕花雨飛  
僧席松風落梵聲迷津如可渡長願學無生

同鄴水諸子夜集

殘冬石路莓苔滑草閣攜尊過夜闌避世幸留知已在逢人  
應作酒徒看風迴竹塢霜燈裊雁落楓亭海月寒早聽清笳  
催玉漏香醪碧枕莫停乾

曹鑑倫

字彝士一字蓼懷嘉善人康熙已未進士官吏部侍郎

嘉興府志鑑倫典試山左所拔士如何世璠  
顏光毅輩皆著清望預修國史方畧一統志  
俞寶華曰彝士少宰詩已  
散失茲從阮氏選本錄入



北征大功告成紀事

風雷隱隱護周廬五綵龍文擁

帝車泉出旌門珠瀑卷草迎行殿綠雲舒九盤夜渡黃河水  
三畧朝提玉帳書漢將莫誇臨瀚海

聖人親已到狼胥

聖武臨戎賊膽寒威驚鷲鳥避旌竿樓蘭西去關門迴姑衍  
南來地軸寬朝發尺書降贊普暮馳單使報呼韓番戎頓顙  
軍麾下盡荷生成載道歡

機槍旣掃沛深仁羣醜投戈盡束身湯網恩深三面解軒臺  
威聳百蠻馴蕃歌人踏關前月饒曲風傳塞上春直畫青邱  
爲比戶不須戒鼓節金鎗

鑾輿三駕建霓旌總爲蒼生致太平款塞已看來萬國受降

何用築三城晨迴雁磧雲迎馬夜渡龍沙雨洗兵從此殊方  
歸化域年年爭路貢瑤京

錢登峯

字泰觀錢塘人康熙  
己未進士官中書

秋懷

木葉下河干雙橋一水寒悲秋淹異地乞米媿同官小市人  
烟靜荒城野草殘年來勲業少頻向鏡中看

陳獻御

字允題一字石梁天台  
人官雲南大理府經歷

冬日宿江村

松林烟靄欲棲鳥解轡江村日已晡石碓纔舂新脫粟布帘  
猶認舊當爐迴流雪浪鴛鴦浦繞屋梅花蛺蝶圖薄醉就眠  
來客夢曉風吹得到家無

月夜江上聞笛

夜坐娟娟月在水梅花吹入楊花裏旋風併作素娥愁亂撲

江煙飛不起

陳

莢

字堯夫秀水人諸生康熙已未薦舉博學宏詞著有秋雪集

楊文藻曰堯夫詩見賞于曹秋嶽司農康熙戊午薦舉宏博未與試而歸藝林惜之所著詩集吾鄉沈耿巖編修爲之序

陸宣公祠

內相祠經幾戰場至今遺像肅烝嘗奉天瓜果歸行在別駕  
衣冠葬故鄉玉局券留追往事金華碑廢臥斜陽當年仙李  
元都闕不見憑高禁籟長

沈

筠

字開平仁和人康熙已未進士庶吉士召試博學宏詞授編修有斗虹集

通志筠敦孝行嘗割股肉和藥以療父父病頓愈旣而母病亦如之

楊秉初曰斗虹爲先司馬公已未典試所得士是科人才最盛如趙秋谷官贊李丹壑編修皆出門下而斗虹

尤以孝行著爲當時所重館選後旋召試  
宏博授編修職惜不久遽卒未克展其用  
俞寶華曰康熙己未鴻博甲第者五十人吾浙與者竹  
垞昭子諸先生俱有傳集惟鄞中陳鴻績及斗虹集失  
傳然陳詩遍搜不可得  
斗虹猶存是詩亟登之

### 送趙恆夫司權邗關

含香建禮識英名視權新持使節行  
薊北暫移琴鶴去竹西  
長聽管弦聲從教筐篚登天府自有文章繼漢京  
最羨風流  
官閣底梅花一樹賦初成

盛

楓

字丹山秀水人康熙辛酉舉人官安吉州學正

俞寶華曰丹山先生爲潯川大令之祖詩篇極富卓然  
唐音入

欽定

國朝別裁中

### 盆花

木性本條達山翁乃多事三春截附枝屈作迴蟠勢  
蜿蜒蛟

龍姿扶疎巖壑意小萼試嫣紅清陰播蒼翠携出白雲來朱  
門特珍異售之以兼金閒庭巧位置疊石增磊砢鋪苔蔚鱗  
次嘉招來上客譙賞共嬉戲詎知芟榦薄未久倏憔悴始信  
矯揉力託根非其地供人耳目玩終慙棟梁器芸生各因依  
長養視所寄賦質諒亦齊豈乏干霄志遭逢既錯悞培覆從  
其類試看千尋松直榦無柔媚

### 白洋河阻風

大河流日夜噫氣北風號霧影霾魚市寒威縮馬毛客程千  
里倦酒價一時高欲作情騰計終宵聒怒濤

### 黔陽

雲壓萬峯低秋江晚樹迷籃輿凌木杪驛路挂城西有客停  
孤館無鳶下五溪蕭蕭樓外雨愁絕聽寒鷄

王廷燦字孝先一字似齋錢塘人康熙辛酉舉人官崇明知縣有似齋詩存

聞溪泊月

久雨山容瘦溪流晚色明詩心宜夜月客路重春晴村酒醉無力鄰舟夢有聲隔林燈吠犬沙鳥忽縱橫

方正學祠

有志興周禮無功衛漢儲終懷君夷意不草鄭冲書暮雪寒江外春鵲夜月初萋宏碧血在秋水共涵虛祠側有水石五色斑然

紀

寅

字大為一字晴嵐烏程人康熙辛酉右科舉人官江南徐州衛著晴嵐詩集

俞寶華曰晴嵐詩雖未見全集茅氏湘客稱其解組後日事吟咏頗窺古人堂與信筆所之時造妙詣故選極夥今從其選本錄入

獨行大士菴

渡河雲緩去未去蒸花日薄閒復閒人聲四靜鳥雙語一尺

東簷水碧山

項奎

字子聚一字東井秀水人諸生著晚盥堂集

汪嘉穀曰吾禾項氏子京嗜古精賞鑒諸孫徽謨聖謨並工繪事奎微謨子也山水學元人好用禿筆所著晚盥堂集流傳絕少此從曝書亭集及海鹽張氏涉園題詠詩錄存

簡朱十

昨日南樓謔懷人到燭斜風前吟未足江水落江花

同人遊涉園晴亭留飲遂初堂和已畦韻

縷切鸞刀膾細鱗賞延邱壑夜留賓釀傾百罰難仍舊喉轉  
雙聲有底新座上諸公輕仕宦眼前生事隔風塵遂初曳履  
重沽醉杯捲猶存口澤津

杜致遠

字寧田秀水人官四川平武知縣著有玉東詩集

俞寶華曰寧田爲大宗伯臻胞弟以議敘官蜀中詩經難兄指授且所游皆

兩所遊軒篆蒲貴

卷二 項奎 杜致遠

大

國初諸老故詩雖無大過人處皆工整可誦諸孫鄒祈亦  
工詩如一夕尊絲牽遠夢數行雁影送歸程句頗饒雅  
韻因無專集附見于此

### 晴望

連朝細雨漫江田霽景初澄散暝煙水勢漲平春渚外山容  
淨洗野雲邊東風暖逼桃花樹南陌晴開燕子天從此郊行  
多勝賞踏青鬪草又年年

### 古城道中

濛濛細雨出龍門踏遍王程春草痕四野行雲飛別嶺一灣  
流水抱孤村樹纏青黛如人立石繡黃斑似虎屯幽處峯巒  
皆絕俗翻嫌抵驛有塵喧

### 鴛湖春遊

櫻桃花發淡紅枝小徑莓苔綠漸滋閒向餅山高處立風鳶



掣斷小兒絲

登潯陽鎖江樓

匡瀑千年雪潯陽九派煙湖平江漢合天近斗牛連傍柳拖  
漁網臨關泊估船不堪湓浦月仍響四條絃

和少陵江村韻同沈岸星家右常孔傳兩兄賦

落紅陣陣向溪流兩脚開晴小院幽花徑游絲多罨蝶柳塘  
清夢不驚鷗放懷曲几琴三弄趁好疎簾月一鉤知否夜槽  
初壓酒叩門應有客相求

池上和周簪谷韻

寒雀疎籬下斜陽一草亭池光風不定吹亂鴨頭青

董師植

字聖衣一字汾園鳥程人諸  
生候補訓導著汾園詩集

曹溶序略余倩董汾園爲徵君芝筠第  
九子少承家學淹博雋雅自成一家言

冬夜

殘燈焰冷夜窗深風入疎簾透薄衾飲罷短檠欹枕睡夢闌  
清簟擁鑑吟飛霜映月寒無影倦雀翻枝凍有音萬國關河  
三尺劒一時都到五更心

過板橋關至悲華僧舍

蒼茫依岸去古寺近臨池世事孤帆轉禪心一磬知遶庭松  
徑闊飛雨石谿遲解得忘言意然燈深坐時

濮

淙

字澹軒  
桐鄉人

俞寶華曰澹軒有至行郡志稱其順治初遇火衝入煙  
焰中扶二親以出有浣雪居月巢選園諸刻人爭購之  
今從別裁補入

聞梁蓮玉已寓京口

客易相逢尚未逢老年親故喜相從已辭野店中山酒望斷

煙江北固峯一夜夢遊千里月五更霜落萬家鐘莫嫌人遠  
天涯近書到樓頭第幾重

褚唐傑

字萬長錢塘人貢生官龍川知縣

楊秉初曰萬長先生爲南來先生之弟康熙十三年耿逆之變奉調防禦亦死於難忠孝傳家後先輝映時人有二難之目

白兆山

蘊蘊西南景欲仙我來携手到尖圓山僧漫說當年苦豪客  
愁聞舊日煎窻外玉蜍涵夜月壁間佳什湧春泉而今也學  
臨風和輕擲毛錐恐未然

吳山夜飲

暮潮聲急抵錢塘把酒吳峯共舉觴遙望漁燈緣雨歇還看  
螢火傍風颺沉吟漸覺衣裳薄醉臥初知枕簟涼何處笙歌

明月上良遊盡是惜秋光

除夕

太息流光一瞬遷經綸未展壯時年  
椒花燦爛承歡宴燭影輝煌博醉眠  
凍雪已消殘臘後寒葩先放早春前  
昇平預卜豐稷慶此夕農家炬照田

施

清字伯仁錢塘人貢生官永  
州州判有覽雲懷浙等集  
錢塘縣志河以選貢教習除陝西經歷戊  
午舉博學鴻詞罷歸補廣州州判遷永州

畀行

相呼乘竹筏穩坐勝肩輿危石看疑樹迴流歷數魚桑麻閑  
自好風俗樸猶初野老爭迎楫年來盡識余

韋人龍

字劒威武  
康人諸生

徐熊飛曰韋氏兄弟皆學文于武林張白雲學詩于四  
明魏楚白英才逸氣崇尚節義有東漢士人風劒威以

諸生長留京師緱城南歸記有云丁未四月十三日出彰義門伯兄策蹇相送別時握手痛哭失聲蓋伯兄久客長安老病飄零以朋友死生至誼艱危不啻萬狀此行實期同歸又恨未能卓永瞻贈以絕句云馬上紛紛自看花車塵袞袞日西斜徘徊獨有游燕客不倚侯門便酒家南歸記爲緱城先生人鳳著時告密風起友人多株連逮捕劍威擬伏闕上書所云朋友死生至誼蓋謂此也

### 錢王飲馬井

寺側池清淺人傳飲馬隈英雄貧賤日誰識霸王才龍臥雲生壑鐘鳴月到臺只今烽火徧虎跡印蒼苔

### 韋人騏

一名甄字天石武康人諸生

唐靖前溪逸志南龍山之東北隅有大池十餘畝韋子六象世家焉卽山之麓迴阿繚繞松竹蔥芊卜小築曰念菴義取兄弟相戒之意六象兄弟皆能詩

### 几山草廬

結廬近傍几山西病客行吟夕照低竹裏晴光泉脈脈巖前

秋色草萋萋暫來地僻堪舒眼共道時危合隱棲況有高峯  
正相對還來暇日一扶藜

韋人駿 武康人諸生

南几山村

十畝方塘帶竹籬垂楊深處有茆茨雲連山翠當軒出人坐  
花陰繞逕移隴上草新初播穀閨中蠶老已成絲貧家亦有  
田園樂游子風塵總未知

俞森 字彙嘉一字存齋仁和人官河南河北道

華日南曰存齋挾册遊京師館于宛平王相國怡園以  
善書上寶錄館得倖淮揚治河有聲旋晉觀察其詩雖  
以鄧舊山同時而選  
入詩觀心折可知矣

登通州城樓

雉堞雲齊擁小樓登臨極目海天悠南來杭稻千帆夕北去

風沙萬里秋山勢遙臨東海盡河源直接太行流一聲淒斷  
孤飛雁煙樹茫茫動客愁

胡

湄

字飛濤平湖人諸生

平湖縣志湄初就傅便學作畫師弗能禁也携李項氏書畫最富湄故項外孫因恣觀摹仿點渲魚蟲花鳥爲時所稱性耿介貴人以金帛乞畫多拒之

溪上桃花

瀟瀟夜雨攪春眠新綠溪頭漲接天花片莫教輕逐水誤來  
門外捕魚船

胡

潑

字飛霞一字鶴汀平湖人諸生著嘯廬臚韻

朱爲弼曰鶴汀少遊金陵文采傾動一時晚年無子築掬香別業蒔菊至于本卒後捨宅爲掬香菴

三君詠

余性疏拙近游僅數百里顧厭薄聲氣喜交天下畸

士比年得韓石畊李辰山范梅隱三君子皆抱奇才  
甘寂寞而寓于湖者也惜相見晚先後遽殂謝各系  
一詩以誌弗諼

韓山人昌

字石畊大興人善琴自言授一曲須奉千金以是終無傳者

燕市空前夢飄零託素琴徒憐歌一曲誰與奉千金落日東  
湖畔蒼波百尺深冷冷多古調天際起層陰

李高士延是

字辰山上海人寓佑聖宮賣藥自給餘輒售古書積數千卷臨歿分贈交游

不見李高士琳宮鎖暮霞芸香消蠹簡爐火冷丹砂寂寞聞  
雲態淒涼宿草嗟他年華表鶴歸去已無家

范處士風仁

字梅隱嘉興人工詩書法酷似米海岳嘗寫杜律前貽余

朝游鴛渚水暮逐鷓鴣湖春飄泊干戈際誰憐范叔貧圖書無  
俗物翰墨見天真千載林和靖梅花好結鄰



幽居

偶爾移居近北城松風吹起怒濤聲到門不覺軟紅隔入室  
惟看虛白生竹徑無人雙蝶靜槐陰欲午一蟬鳴吾生已分  
幽棲老四海何時洗甲兵

褚陸政

字冬生一字東山錢塘人歲貢生官將樂縣知縣著東山詩集

楊秉初曰冬生先生始授將樂教諭後遷知縣節徭清賦善政宜民公餘之暇嗜學不倦前仲兄唐俊亦仕於茲邑兄弟同方一時傳爲佳話

贈李廣菴使君

天南翼軫接三台命世人文次第開國士久傳江夏地巍科  
近發爲經臺蔚宗大業千秋史謝眺奇情一水迴供奉自爲  
金馬客且將雲錦試新裁

孝感道中望木蘭山

山行兩日復行山遙盼魏宮疊障間忽動壯心頻對酒難忘  
往事竟持環烟浮碧草春來野松響蒼崑馬到闕我欲瞻依  
同調遠深悲能望不能攀

### 峒山草堂

秋光不許俗人知點綴蕭疎挺異資萬種豈能無別調千株  
何事只敲詩黃花有意凌寒色紫菊無心逞豔姿畢竟嚴霜  
能蔽日可憐一想一迴思

諸來聘

字九徵餘姚人有精思樓詩集

黃宗義曰九徵立昌古社出而交遊四方倪鴻寶陳臥子皆以國士待之

張廷枚曰九徵先生意度闊畧居邑之第十堡構昌古齋與符如龍朱如錦周肇修諸名士結社互相砥礪

### 夜泊

孤舟帶雨宿寒塘林火漁燈對渺茫怪殺東鄰機上女金梭

徹夜響流黃

沈皞日

字融谷平湖人貢生官辰州同知著楚游燕游等集

過海幢寺贈阿字首座

丹霞三月有書傳引到禪關證夙緣清塵話消天外日石爐  
香永海中煙亦知入道非難事誰復如公是少年愧我飄蓬  
何所住曉鐘遙望法幢懸

戈朝英

字翔千平湖人諸生著咄咄山房集

徐熊飛曰秀才爲詩宗法白香山直抒胸臆沖淡自如  
晚境益轍軻投牒學使者云妻孥八口六赴冥途父子  
五人三登鬼錄其遇亦可悲矣

新夏

風雨無情作暮寒留春無計聽春還愁根似草生偏易恨緒  
如絲斷却難囊篋久虛身是累門庭長閉興多闌年年此節

下消車車金不文  
喧茶會獨有今朝掩淚看

絕句

春紅電碎不禁秋雲裏飛鴻水上漚留得斷魂詩句在月明  
夜夜使人愁

戈志熙

字虞三平湖人諸生著子遺堂集

徐熊飛曰虞三穎悟有才思年十四作鬱輪袍詩爲鄉先輩所稱賞及長益耽吟咏間作小賦彷彿齊梁風格

弔李潛夫先生

天空海闊絕比鄰不遣桃花引問津薇葉自忘周粟味柳絲  
還繫義熙春無端南國添新鬼何處西臺哭故人好句寒梅  
尤著意豈堪隨俗學同塵

先生有和中峯梅花百詠

宮怨

冰純何必怨秋風曾得君王賜輦同爭似玉顏春老去守宮

猶帶十分紅

丁裔沆

字函巨嘉善人諸生著香湖草堂集

嘉善縣志裔沆詩文爲陳維崧盧元昌諸公推重戊午徐公乾學擬薦博學宏詞裔沆以親老辭名重京師許纘曾序畧函巨爲武塘世胄弱歲能操不律主三吳壇坫爲我鄉先輩李素心佳婿與張洮侯計子山吳六益盧文子董蒼水交最深其文章逸軌絕塵瓌姿萬變黃九煙稱其鎔魏漢之精入初唐之冶姜西溟至欲鈔其集當王孝伯下酒物其爲四方名流推重如此

送王逸仲廣文之武義

一曲驪歌酒百壺花前相送盡應徐  
權移村墅雞聲遠木落秋江雁影疎  
吏隱自憐同釣客思歸何必憶鱸魚  
富春山色清如許好上林勲政本書

吳

涵

字容大一字匪菴石門人康熙壬戌進士第

送仇滄柱請假南歸

文選高樓動碧虛每從坊社校三餘當年共仰天傭子今日  
徒傳千祿書但守筌蹄猶夢鹿況非甲乙亦垂魚勞勞月旦  
應游息此去風流得自如

途中大風

昨日山中行數峯青在目今朝出山行官塘柳新綠陡覺春  
光佳疑眸恣遠矚何圖風伯太狂顛紅塵簸蕩當興前迷茫  
不能辨一物兩耳震撼心茫然如舟入海碎波浪如兵臨陣  
交戈鋌怒如虎豹饑嘯谷猛如虹蜺渴奔泉雷霆一聲精怪  
走石抉山麓屋發椽還愁青冥光蕩蕩吹動閭闔天爲穿徒  
旅搖手戒相語馬亦嘶鳴不能止須臾古渡橫長橋奔波湍  
流浩瀾瀾一步兩步勢難移欲前反却空徙倚吁嗟風伯女  
何爲公拒命使當前驅灑塵清道是女職不盡厥職反橫吹

況今麥郊需好雨靈旂恍惚來雲師女竟不恤民命苦飄烟  
飛霧東西馳不思

天子坐宣室爲民祈福嚴齋祠輒敢憑陵肆吼怒十日不雨  
民將饑擬效昔人訴真宰萬一震遣將何如大聲叱馭過橋  
去輕如浮槎迅如駛目霽心恬風亦停虔禱明神降甘雨

聞元炁

字紫雲一字穀公仁和人康熙甲子舉人官汶上知縣

### 行路難

從來世路多嶮崎東西南北將安之天涯奔走苦離別舟車  
所歷堪悲思君不見太湖之水三萬六千頃湍急浪惡毛髮  
凜又不見羅浮之山四百峯危岩怪石凌蒼穹艱難險阻槩  
如此應悔當年作遊子世人白眼到處逢黃金費盡無知已  
吁嗟乎人生歡會能幾何不如飲酒傾百壺興酣且學高陽

徒月明共醉歌且呼況復官防嚴夜禁咫尺門前卽畏途

曹士勲

字名竹桐鄉人  
諸生著萍梗集

盛遠序署名竹詩清新  
俊逸竹垞先生常稱之

明妃曲

黃雲白草天地乾胡沙淅瀝胡風酸漢宮傾城嫁絕域腸斷  
琵琶馬上彈一彈淒苦淚霑臆再彈嗚咽淚成血萬里邊關  
叫斷鴻五更鼓角哭殘月憶昔深宮望幸時芙蓉未許曉風  
吹一朝粉臉塵埃浣薄命寧當怨畫師人生妍醜本無定縱  
美還須事奔競君不見蛾眉絕代無黃綠十年不字空嬋娟

晚雨

半川冷雨晚淒迷一抹寒雲浸水低古渡無人烟草溼怪他  
無數鷓鴣啼



滑吉登

字誕先號匪菴仁和貢生

昭明寺

余本幽棲人偶至招提徑叩門風淒淒俗慮泠然醒刻竹驚  
棲鳥披襟躡危磴天空沒無雲日落煙初暝遠公托欣賞孤  
琴發清聽共語覓無生燈燈了相證

張曾祚

字繩其號中峯海寧人康熙庚戌進士官吏部主事

冬夜

閱歷風霜飽偏宜耐歲寒世從忙裏過我向靜中看千古如  
相接三餘未覺殘欲眠偶得句呵筆趁燈闌

褚廷瑄

字研民嘉興人

夏基西湖攬勝詩選研民豪情逸致以書畫名于時而詩亦秀麗

題烟霞僧客

兩浙輶軒錄補遺

卷二

清吉登 張曾祈 補延瑄

三

四月鶯啼綠滿天芝蘭繞砌柳含烟竹風一陣來鳥几花氣  
三分入畫簾山似夏雲昏欲雨菴臨秋谷坐如船知君好客  
多清興與爾相期共入禪

馬耀曾

字耿民順治甲午舉人平湖人

春雨

池館幽棲景不窮曉烟和霧溼櫺櫳浸淫柳葉三春雨狼籍  
桃花半夜風舞罷尚憐金縷豔書成誰似玉杯工年來無限  
清狂興盡在茶鐺酒盞中

沈

賦

字相如錢塘人

夏基西湖攬勝詩選相如才情橫溢句句從塵土中洗出擬之唐人當是元和大歷間佳士

山中夜雨懷柯青來

晚霧依山宿行雲傍樹敷已知晴雨變其奈友朋孤風過花

輕薄鐘殘夢有無寂寥當此際永夜獨愁吾

登靈鷲峯

不盡登臨興携筇獨往還風鈴搖古殿好鳥亂晴山秋帶楓  
林老人隨屐齒閒自憐憔悴客那復舊時顏

俞長城

字寧世一字碩園桐鄉人康熙乙丑進士官編修著可儀堂集

汪嘉穀曰太史父給諫之災兄編修長策俱博學鴻才時論比之三蘇所選百廿名家彙及評閱左傳國語等

七種行世

俞寶華曰碩園太史著述極富借可儀堂集已不可得見僅錄是詩以存其人

王烈婦詩

并序

烈婦鍾氏女也夫王俊臣與余爲表弟兄烈婦在日余有嫂之稱俊臣年未三十早逝迄今已十載庚午夏烈婦別姑及父囑家人誠二女沐浴更衣雉經以殉凡衣

之上皆以線密縫無寸膚可見者余適在病中聞變驚  
起成詩志感詞意俚鄙不足以表揚大節然職忝史官  
況俊臣與余又有手足之誼哉

捐軀守節事難同歷盡冰霜恨未終情本性生成義烈死如  
歸處卽英雄啼鵲喚斷三更月孤雁聲殘五夜風千古綱常  
誰作主鬚眉應讓柏舟功

汪

煜

字寓照錢塘人康熙乙丑進士  
官吏科給事中著有願學堂集

楊文藻曰先生初釋褐爲貴州鎮遠令擢吏科給事中  
掌登聞鼓院在職未久疏凡六上號稱敢言詩有同岑  
草願學堂集南歸  
北征錄平齋偶存

乙丑章貢道中除夕同查朗山作

去年除夜在長安酒未酣醺興已闌才得到家渾不記又來  
章貢宿危灘

蒲帆半持逐輕鷗雲薄風微淡淡浮兩岸青山一灣水送將  
寂寞到孤舟

殘雪班班山色昏佛頭青裏月留痕故鄉豈少湖山好未到  
黃昏上郭門

文禽試水綠波搖短麥纖纖發舊苗三十日來新眼界春風  
作意待明朝

顧永年

字九恆一字桐村仁和人康熙乙丑進士官華亭知縣有長慶堂梅東草堂集

紀哀

入關聞先母凶問

周倅悲失怙麻衣裹襁褓相聚六十年事母日非少如何臨  
難時始悔養不早始終兩大喪無一事能了積穀弗救饑養  
兒弗送老烏雛尚反哺人竟不如烏

憶昔外塾歸懷中尚有橘其姊舞燈前綵衣常繞膝孝衰妻

兩浙輶軒錄補遺

卷二

顧永年 章振萼 張芳潤

无

子間人言寧弗恤猶冀博親歡祿養未爲失誰料通籍初禍  
卽從此得今有愛日心知之已無及

章振萼

字范山遂安人康熙乙丑進士官禮科給事中

華日南曰范山宰江西上猶邑有無主田數百畝歷來官取其息乃撥學舍以周寒士乙亥大飢下令士民許貸倉儲明年捐已俸以償行取授刑部主事擢禮科給事中癸未會試分校所取士皆海內名宿年八十一終

角林訪古

當年盛事竟何如寂寞祠堂春艸餘不愧科名眞國士由來  
理學有傳書舊家象笏懸巢燕奕代龍章飽蠹魚只有漁翁  
遺罍網淒迷江上訪仙居

張芳湄

字葭土一字簣谷海鹽人康熙丁卯拔貢生官刑部江西司郎中

送平湖董令由戶部筆帖式外擢

幾載含香畫省同仙鳬新指柘湖東千家水市三江近百尺

珠樓九派通判牘喜曾嫻國計問農想見坐春風循良飛譽  
憑鄉語好報瑤華到朔鴻

詠飛花

昨宵微雨一天涼亂點紅英過粉牆惆悵江南春色暮夢中  
無復戀金昌

高

怡

字仲友一字鶴洲武康人康熙丁卯進士官監察御史

武康縣志怡任長洲有持韓宗伯葵僞札請見者怡  
怒杖之宗伯力薦于朝由鄆州陞祠部擢監察御史  
徐熊飛曰前溪雜詠序云懷安門外二里有貞曜先生  
祠地名孟宅堡有井其西卽靜林寺按此則孟井在邑  
西乾隆初邑令劉守成因故井無可踪跡浚署西小井  
題曰東野古井六十年居民于懷安門外掘地栽桑得  
晉井于豐草中有石獸款識尚存蓋卽東野舊井宋景  
定間邑令國材建亭其上侍御所居去井不百步釋詩  
意井在雍正初  
猶未湮沒也

孟井

自幸無多屋居臨孟宅前詩窮泉亦苦名重井猶傳薄宦深  
陽日投荒瀚海年此生遭際近應許問林泉

湯

敘

字納時一字默菴海鹽人康熙丁卯舉人官江西吉水知縣

汪嘉穀曰默菴在京師與從弟西涯中表初自兩先生共學詩于漁洋山人嘗手訂金臺集三卷白下集二卷刊者尚有公餘詩金臺瑣言若干卷

清明日九江道作

澤國陰多暖律微  
衿衣未許換單衣  
鶯啼有意傳佳節  
蝶夢無緣賦日歸  
雨漬紅英花欲瘦  
春深綠徑草先肥  
年年客裡逢寒食  
一點鄉心逐燕飛

壬辰秋日雜詠

錄一

鯉魚風急雁行斜  
客裏寒衣計日加  
小艸不知人意嬾  
臥牆猶作晚秋花



秋日宿連雲堂酌祝緘亭姊丈

惜別俄三月相逢一笑歡雨餘秋色冷句就夜鐙寒愧我豪情減輸君酒戶寬醉來成一笑檐滴漏聲殘

沈辰垣

字紫翰一字芷岸嘉善人康熙乙丑進士官侍讀學士

嘉善縣志辰垣辛酉鄉試受知于湯文正公在館閣二十餘年纂修明史及淵鑑類函羣芳譜諸書又謂吳興識四聲而不識七音失三韻之原標摘等韻差誤甚詳

福源菴

菴祀陳公舜俞

扁舟斜繫柳堤晴憑弔先賢感慨生當寧可曾籌國計如公端不負科名批鱗亮節忠誠著跨犢高風黼冕輕一自庭除修飾後瓣香還動野人情

張曾裕

字昆詒海寧人康熙戊辰進士官御史

送權六之烏程

兩浙輔軒錄補遺

卷二

沈辰垣 陳元

張曾裕 丁棠發

三

十載才名第一流青氈暫借駐驂驄松陵唱和詩篇富安定  
規模學業優花發茗溪邀夜月煙開震澤泛晴鷗敝裘猶識  
春明路佇看龍門瑞氣浮

丁棠發

字燕公一字卓峯嘉善人  
康熙戊辰進士官御史

嘉興府志棠發初授新安令減耗革弊建義學舉鄉飲  
晉侍御歸奉八十老父貧無餘資承歡菽水自號一餐  
土居

憶揚州

烟花佳麗古揚州隋帝行宮跡尚留錦纜船歸楊柳岸玉壇  
花發廣陵秋中宵明月聞歌吹十里珠簾卷畫樓油壁香車  
虛客夢爲言小杜未曾游

陳

元

字遜三一字古愚餘姚人康熙戊  
辰進士官恩州知州著澣山集

鄭梁曰澣山集識高筆  
老不顧笑罵自成一家

萬經曰古愚由吉安司馬入爲刑部郎典試中州稱得  
士當路欲以臺垣薦之會有疾不果禱于神得一山如  
畫對清江之句疾愈出守思州既至攷圖經  
則思州古清江郡也此事可入前定錄云

### 送常德者出使絕域

五雲丹詔啟萬里使臣行馬飲天山窟風清瀚海營尋源窮  
絕徼折柳及朝晴駕牡歸應早還圖麟閣名

### 滇南道中

二月榴花映碧峯醺醺薄酒醉花叢

滇中石榴二月盛開野人進醺醺酒色紫味甘

雲迷蛟洞千盤外在羊腸九曲中數畝輕黃翻燕麥半盤

新綠摘雞櫻停輿欲問南征事妖鳥巢傾枳棘空

徐南珍

字時介號紫岡海寧廩生有思可堂集

杏昇曰詩介詩文絕去時下畦徑必窮高極遠雕鏤鏗鏘令聞者如探岩穴如涉溪湖如翫名花異卉由其沈酣經史醺醺芳腴者非一日也

樵石詩話徐翁自幼力學于通鑑通考等書皆成誦太倉相國稱為才深韻潔學貫經史不虛也

### 偶占

花凍鶯寒不解飛兼旬風雨閣春暉湖雲更自癡于我咫尺

### 家山不解歸

張

韜字球仲一字權六海寧人貢生官休寧知縣有大雲樓詩文集

紫峽文獻錄權翁文藻秀迭徐方虎先生稱其襟帶咳吐間俱有詩韻深露信哉

### 渡江

楊子江心渡東風鼓棹初山光搖北固晴色帶南徐燕掠紅潮急鶯啼綠柳疎客遊良不薄未忍憶鱸魚

### 六蕃次前輩尹楚白韻

黑雲陣陣障蠻天蠻雨蠻風又一年溜索輸糧天際過

夏秋瀘水

大發難渡以溜索扯糧過河

偏橋飛渡夜深傳

陡壁盤洞插以木橫覆小板若一失足則身赴橫流

矣金釵豔豔依青幕

金釵花名

石燕飛飛繞翠烟爲問異鄉河水

客山頭騎馬幾時旋

黃

驤

永嘉人諸生

蓮石詩話康熙初劉公名德守溫州歲晚公開因招僚佐紳士置酒高會分韻賦詩得題四得人十一爲東甌唱和集然人半非土著卽甌人而姓名已見前集未便重見因取黃茂才詩登其一以誌雅集云

燈前梅影

花放南枝倚短檠淡濃著地態俱生  
煖分蓮焰魂猶冷香度蘭膏韻更清  
隴上使逢凝欲折憲前君到認難明  
還嫌畫角

吹天曉一枕羅浮夢不成

沈不負

字集九一字東樂又字次山平湖人諸生著老雲齋詩刪

平湖縣志東樂十歲能文尤工詩與兄日星齊名性孝友兄弟既析居旬日不晤輒挈舟相訪後仍同居陸陸堂云清溪沈氏多詩人柘西南淳以宦遊四方詩久膾炙人口獨東樂隱居村舍博綜羣書以全力發而爲詩

茹古吐今歸風合雅蓋較柘西而格尤蒼老視南渟而氣彌深厚矣

汪嘉穀曰次山有手編韻鈔五卷其詩初爲樵唱軒集十卷晚更定爲老雲齋詩刪十卷集中有賦香櫞花二絕句自序云香櫞花古來詩家會無一字今作二絕句或詩足以傳花人足以傳詩者繼而詠之則此亦魚之筌也詩云黃櫞漫作盆中供復見階前一樹花莫道藥欄春去盡便無蜂蝶到貧家又舊葉未黃新葉綠遮藏密雪被風知華清浴殿何人見雲鬢初簪未到時

### 題松雪圖爲蘄水張孝子

王維寫雪不寫松韋偃畫松不畫雪松情雪質兩難描合作更少稱奇絕蘄水張公抱異才心如堅冰骨如鐵一官淪落暇日多瑰奇屈曲無從泄醉酣聊發腎前志雪松泠泠自怡悅人生弗僻志弗奇壯心一往成忠烈獨具鬚眉稱丈夫遭逢坎壈命何拙功名不出苜蓿盤巡遠孤城並苦節石首荆門稱至今雪松之圖一炬爇先生丹青世罕觀寄興偶一飛

電掣孝子傷心事難已可憐有力無地竭更尋高手續爲圖  
遍走天涯乞筆舌雪中東郭履空穿松下張譏塵尾折孤根  
莫教桃李笑掩節埋梢風凜冽嗟哉忠臣心膽焦孝子丹誠  
復碧血負也披圖淚如霰相知何必曾相結先人昔日宰蒲  
亭歸去來兮睡壺缺十餘年間著述多賤子塵埃未標揭雪  
松高風古所稀死生異迹心一轍揚名繼志誰非子張公之  
子真人傑吁嗟噫雪消松死何處尋此圖千載難磨滅

和東井春草次倦圃元韻

湖南春思動寒烟芳艸頻驚雨後天沙暖亂飛人跡外山寒  
微透夕陽前更無別淚沾歧路祇有傷心勝往年一色裙腰  
看不足落花飛絮伴嬋娟

漫興

莊後頻添百本梅  
莊前不必覓橙栽  
斜連山勢留雲住  
直放溪光上竹來

錢振鷺

字一菴一字南屏海鹽人諸生著有一菴詩草

汪嘉穀曰南屏以孝友見重宗黨舉鄉飲大賓

秋懷

窮達了無繫  
垂綸學釣徒  
寒霞生古戍  
殘月影疎梧  
山氣入秋肅  
詩懷到老迂  
艱難杜陵叟  
得句爲長吁

錢

樟

字尋千一字魚山海鹽人諸生著耕蓴堂詩集

題費於征詩集

莫將年少羨江東  
老手由來自不同  
一片沉泥凹似玦  
數枝秃管硬於弓  
觀魚夢蝶如莊叟  
放鶴尋鷗類陸翁  
與子相逢眞恨晚  
往來須不斷吟筒



寒食

小市炊煙過午生翠微十丈亞窻橫春殘幾日剛離雪花困  
終朝不放晴襖水柳枝攀上已占巢燕子話清明衡茆隔在  
迴塘外試聽聲聲喚賣飴

徐景穆

字臣鵬一字惺菴海鹽人康熙庚午舉人官麗水教諭著蓬廬柘塘遊集

徐豫貞序畧吾鄉羨門彭少宰風雅總持惺菴彭之  
自出又爲其館甥故詩一如少宰純乎中唐雅境  
俞寶華曰惺菴爲忠烈文孫而羨門彭少宰之快壻也  
少宰嘗和其句云孺子聲名長隱約中丞門第久衰微  
遇可知矣詩極雅健有錢  
劉風致沈季有嘗序之

築隄行

築隄勞聲邪許築隄堅費鎚杵長隄一道通淮楚千夫萬夫  
并力舉築來圩岸高于城日耗水衡不計數君不見黃淮交  
漲勢兼天洪流倒瀉銀漢連桃花三月浮平川霖潦一片無

原田隄城一線何處所瀾漫入望空蒼煙吁嗟乎黃金可成  
如有術河流滔滔亦可塞

寒食

炊熟三朝冷曙煙芳郊草色暖芊芊一坏麥飯空邱隴腸斷  
東風燕子前

商

和字安世一字介廬廩縣人康熙庚午舉人官中書舍人

俞寶華曰介廬江路諸詩非身至者不知其趣

采石磯

憑高牛渚上拳石此稱雄興廢千年後江山一覽中危崖藏  
白日故壘響秋風欲問開平事荒煙不可窮

滁州道中

每因歐九文章好長憶滁陽景物清客路近從亭下過名山

眞似畫中行竹枝低亞初迴騎籬落參差不計程最是溪橋  
風度處松聲謾謾帶泉聲

丁

樹字緝公一字漁村長興人康熙庚午副貢生官河南洧州知縣有讀古樓詩集

過大青山

縹緲雲山路轉賒衣裘重整赴天涯千尋峭壁蹲奇鬼百道  
橫流走鬪蛇牧馬嘶風驚午夜行人當路泣三久更憐遠近  
聲悲壯刁斗爭鳴雜暮笳

王廷獻

字幼拔一字文在海寧人康熙辛未進士官刑部郎中著谷湖詩鈔

俞寶華曰文在少工制藝所刻橐有仇滄柱王邁人爲之序乙酉典試河南所得解元同軌年八十餘乃王阮亭詩友

泊南沱

長途村釀酒深夜木棉單爐火寒無焰巴江怒有湍春來添

幻夢老去薄微官月落孤蓬滿吟成五字安

病起

那堪作客歷三時閑殺忙人總不知秋到垂楊風簌簌涼生  
圭竇雨絲絲釀成木榻兼旬病消得蠻牋數首詩窗外寒蟬  
空怨語官場清況只如斯

俞

鼎

字曰絲秀水人

俞寶華曰曰絲有石函詩集十二卷已刊而未審定行  
世僅從別裁所選登之又文集四卷桐葉偶書四卷

灰七姑辭

自注禾俗嘗以二月初祀  
灰七姑卽紫姑之類也

紅繒張筍箕斜插海棠杏竈前昇來竈下請小婦薦清茶中  
婦陳白餅大婦拜致辭燭花弄環影種稭種秫須多收養蠶  
新絲十倍抽不願生兒近王侯但願蕃息滋羊牛小姑靈感  
識人意髹箸重重書作字筍箕頻動小姑迴瓦鑪香燼柏子

灰穉男收拾棗栗去門前簫鼓喧春雷

### 馬草行

滄洲烽火徹夜紅援師奉調來南中援師五千馬萬匹所過  
軍營吹簫築縣官索草候經臨硃票紛紜遠近出家家并日  
辦馬槽辦豆更辦挫草刀草船滿滿連百艘馬草積如山岳  
高援師驅馬江干過餘草零星棄道左老農束取負擔歸然  
草煮豆聊充饑吏胥首告盜官貨哀哉愚民家頓破

屠

遠

字展馭嘉興人諸生

金晉民曰先生勗齋先生之伯子以醇儒爲經師里中  
與予肩隨之輩皆執贄門下先生束身謹嚴獨豪于飲  
每同人譚集期于必醉雖門下士亦得寬禮法以極歡  
娛所爲詩大抵不趨奇詭不務雕飾一以雅正爲宗蓋  
得家學爲多也

### 望連江

四月雖孟夏時令猶春暮和氣飄我衣驅車歷前路循彼東  
湖涯佳勝每回互遙望連江城依依翳林樹西南阻青山高  
莽參差附晚途多歸人哀猿啼未住我僕旣云痛投宿在何  
處溪山且縱觀明日又非故

黃文玉

字蘊之一字鍊菴黃  
巖人官永嘉教諭

子規行

子規夜啼春欲暮光陰迅速如駒度長安道上思故鄉天涯  
惟我無歸路憶昔去年三月時門前楊柳搖金枝開軒邀客  
沽美酒花間蝴蝶雙雙飛胡爲今年逢此景顏垣敗壁人聲  
靜回頭一笑總成空野鶴蕭蕭弔孤影萬事渾如水上波得  
失榮枯爭奈何當筵有酒君且歌人生行樂莫蹉跎

周宗樞

字紫藩一字潛  
滴諸生杭州人

余習曰澹漪弱冠隨父之姚江官署屢困場屋嘗游豫章入西蜀泛皖江有松月樓吟藁四卷未梓以鄰人不戒於火盡爲灰燼存此二首雖非傑作亦見一斑

入蜀省侍早發江口

潮落江平散曉烟舟人猶自掩篷眠頻催莫笑征夫急違却趨庭已七年

同人登小蓬萊賦海潮石分得幽字

南屏曲渚橫扁舟步入松篁路轉幽絕頂忽驚三尺浪懸崖誰借一篙秋龍嘘雲至峯如削鼇駕山來翠欲流始識蓬萊眞面目不須海外訪瀛洲

濮光孝

字瀛仙桐鄉人諸生著學圃集

贈眉上人

野屋無依年復年浮雲世事老多湄一瓢寄跡林間屋半偈

遊心物外天供客烹泉茶白側呼童掃葉竹厨前上乘知爾能參透此地終當了宿緣

送春次韻

宵無感觸不題詩只爲春歸苦費思可惜一樽携手地又逢三月盡頭時雄鳩陌上方呼婦飛燕梁間正哺兒轉盼風光已非昨有情難遣總如癡

朱衣客

字緯章一字若邪餘姚人康熙丙子舉人有涵碧樓詩草

華日南曰若邪先生好吟咏與金若水遊齊楚燕趙間足跡所到輒有唱和書法亦佳

維揚泛舟偶成

乍暖輕陰露漸消芳塘十里跨虹橋鶯簧百轉花移岸燕剪雙分水拍機地勝漫聞仙子鶴月明爭憶玉人簫臨風度曲情何限拚飲從教去路遙



錦纜牙樯訪舊遊，垂楊翠鎖古邗溝。  
名園載酒依金谷，嬌女彈箏傍玉樓。  
塔現白毫輝碧落，閣開朱檻倚清流。  
荷香薰座風生腋，醉夢迷離水簟秋。

客聊城詩酬金子英

嫋嫋西風清露滋，懷人倍切九秋思。  
重遊舊日曾遊地，忽看多年未看詩。  
學圃願殷先有約，買山意決尚無資。  
煩君待我同招隱，再訂明年柳綠時。

張

發

字丹宸一字樹人烏程人康熙丙子舉人著湖山詩集

京華雜感

征塵沒髀客燕山，北地風光次第攀。  
易酒名推松菊上，

松花菊花

皆酒名

聚花香在蕙蘭間，輕車紅袖舉簾笑。  
駿馬妖童並轡還。

爭說京華遊冶樂，不知何事憶鄉關。

兩浙輶軒錄補遺

卷二

張發以有

无

沈

育

字配蒼嘉善人康熙丙子舉人官永寧知縣

俞寶華曰配蒼事父盡孝待弟盈科友愛歸田後杜門著述有槩村集詩見別裁

臯陶祠

虞廷推執法才子產高陽主德寬三宥臣心慎五章訐謏同禹益姦宄服蠻荒遺廟楊侯國青松近北邙

郭有道墓

東漢多賢達人倫君最優士林爭折角仙侶羨同舟品在君宗上名超清濁流中郎碑不見論定足千秋

雞頭關

雞頭山勢迴人馬半空旋風御千盤磴雲遮一握天猿聲深樹外鳥道夕陽邊漸喜關南去悠悠入漢川

謁董江都祠墓

興慶池南下馬陵廣川魂魄古祠憑旁搜典籍秦灰後首應  
賢良漢詔興一代師儒崇道義諸王子弟歛驕矜可憐年少  
長沙傅太息徒勞淚滿膺

查克建

字求雯一字用民海寧人慎行長子康熙

俞賢華曰求雯天資英異讀書十行俱下年少預科第  
居官有廉名政績載東鹿縣志內擢部曹邑士民感之  
爲立生祠每過生日不憚六百里走京師製屏幃爲壽  
遇其尊人初白先生誕日亦然故初白有詩云不聞循  
吏傳兼補白華詩  
當時傳爲佳話

芍藥

嬌紅粉翠趁風流十里珠簾盡上鈎回首東風舊時路髣髴  
人老說揚州

紫薇

竹素堂前最好枝移來庭畔惜開遲小園不是絲綸閣也浸

清光月一池

寄靈隱法座諦輝

冷泉亭上多年別夢裏清涼一徑通  
方丈簾垂花影外法堂人散雨聲中  
千山夜靜香林月萬壑涼生竹閣風  
敲罷木魚僧退院長廊惟見佛燈紅

徐廷獻

字元度武康人康熙己卯舉人著煙霞洞天集

高文照序畧先生以壬子選貢銓授桐鄉教諭未赴登賢書年五十矣居親喪廬墓三載生平師事韋明經人鳳明經以梗陽谷公下獄走數千里爲任棠館先生卹其幼弱俾無內顧憂人重其義詩清勁有格蘋村宗伯極口稱之

梁孝子行

并序

江南旣陷之明年羣盜轉入天目西北諸山率夜出城  
市繫民之富者幽山中爲質視其家之等而上下其贖

焉孝子父被執贖以金不足遂殺之賊敗出降邑令利  
賊厚賂令民毋得仇賊孝子遇賊于縣門左手把其臂  
右手自袖間出刀賊大叫仆地門者疾持之賊得脫令  
大怒鞭孝子百牽曳下獄觀者數百人咸驚嘆有泣下  
者孝子時年十八云

溪流一何濺濺孝子雪父讐痛哭縣門前父讐爲誰西山大  
盜新招安懷中尺一符朱書題其端食有牛羊豬出乘大馬  
盤桓相逢十字街憤氣激毛髮食我父肉盡歸我父骨秋天  
蒼涼烈風急以刀堪盜盜奔匿長官伐鼓升堂繫以七尺銀  
鐺誰爲汝父讐汝罪如山岡朗之囹圄中日星慘不明叶孝  
子哽咽不能言傍人相顧心悲傷南山有狼北山有虎奮臂  
一呼爪牙怒世間顛倒無是非哀哉孝子心獨苦

井上

井上葉黃落飛飛白項鴉秋聲隔山阪松影見人家老愛親  
藜杖貧思賣菊花林棲耽寂寞無夢到京華

煙霞塢劉秀叔故居

白雲不出塢太古到如今梅發雪盈樹松多風在琴野樵寒  
渡水凍鳥暮歸林居近應憐我千秋同此心

前村山家

松風溪瀨響潺潺黃土頽垣屋數間一夕空林寒露下茶花  
開滿石頭山

許惟模

字立岩一字念倫海寧人宗伯汝霖子康

俞寶華曰宗伯歸田後與查初白太史楊晚研中允陳  
梅溪侍御爲詩酒會太常恆侍几杖與譙會故詩具有

法家

射鴨池

射鴨復射鴨下不過淮徐上不連茗雪惟有姑蘇術最精艸  
盾竹箭人無聲烟雨濛濛暗前浦野鳬唼喋飛成伍射鴨先  
以鴨爲媒一鴨得食羣鴨來羽族詎肯戕同類媒不能言人  
所崇人何機詐鴨何愚口腹未飽身已俘

新晴郊外

經旬風雨徹晨昏偶趁晴曦出郭門紅板平橋楊柳渡青帘  
野店杏花村錫簫吹動遊人騎社鼓敲殘旅客魂異地逢春  
春自好惜無檀板侑金樽

李永祺

字鶴君嘉善人康熙丙子解元著河干詩草

何義門曰浙西名士

當以鶴君爲第一

嘉善縣志永祺從丁進士榮發游下  
筆確有根柢三上公車賁志而歿

馬鳴菴

誰爲方社外宛在水中央靈鏡宜孤往清泉試獨嘗秋風吹  
葦白明月入波涼寂寂魚龍隱終年護法王

劉

虹

字書升一字墨莊平湖人諸生著春浮閣詩

徐熊飛曰墨莊爲洛如吟社耆宿博雅精鑒古藏有王右軍二謝帖燕文貴秋山蕭寺圖皆希世寶也句如邊雁云弓旌鳴獵騎字影沒狼煙邊烽云斜侵邊月白直界陣雲紅邊草云黃沙迷野燒白骨覆春陰皆不愧五字長城他如妝脣脂澤誇猩暈飾鬢蘭膏祝雁孌學得畫眉應勝柳生來解語不輸花則又明豔獨絕矣

古意

繁華約畧舊同昌夜半歌聲繞畫梁白面監奴誇粉尉紅顏  
侍女賽珠孌蚪壺銀箭催宵盡魚鑰銅環鎖院涼詔喚後宮  
陪曉獵翠翹脫却換戎裝

徐善建

字孝標嘉善人著桑榆小築棠



俞寶華曰孝標爲陸清獻公高弟學者多師事之教人讀小學字義諸書謂先識體段方可下手詩其餘事卽別裁所選登之

### 鳥哺兒

抱兒嬉樹下新綠遮庭戶忽聞啾啁聲仰見春鳥乳不辨誰雌雄四翼共辛苦一出掠春蟲一居禦鷹虎出憂居力單居憂出遭罟罅羽豈暇梳嬌音不遑吐黃口快得食那知翁與姆感此撫童雛何如此禽羽上念父母恩淚下如注雨

朱嗣美

字霞蔚武康人歲貢生

武康縣志嗣美年十二補弟子員嘗爲峴山賦贈炙人口

### 春日同諸子登南屏

倚杖高吟興未闌開樽絕頂罄交歡追遊海內知心少歲月天涯聚首難暮雨遙沉千嶂暝春陰忽散萬松寒明朝花落

空相憶莫負中宵白玉盤

許

涓

字凌州嘉善人康熙庚辰進士官湖南石門知縣

沈德潛曰此余座主竹君師考也勤恤荒政民受其賜石門至今俎豆之

俞寶華曰凌州官湖南時以巡撫趙恭毅公保舉內召卒于途居官十二年家無寸椽後以子王猷貴贈如其

官詩格蒼老見國朝別裁集

雙溪坪勘災

策蹇來投止荒廬繞棘叢看人維野瑛撼壁有狂風疢鬼村  
村聚牂羊戶戶同救災長吏職無術起哀鴻

高

輿

字巽亭平湖人康熙庚辰進士官編修著谷蘭齋集

嘉興府志輿以編修奉命卽家校刊佩文齋詠物詩選及淵鑑類函書成補原官復

纂駢字類編未竣卒

仁廟行將大用惜中道委化茲特錄紀  
俞寶華曰巽亭為江村宮詹哲嗣以家學受知

恩詩以誌榮

遇云

聖駕南巡念

臣父士奇

暴直勞

子諡文恪又至

臣父墓所

賜奠且以臣之謫劣未及散館卽授編修謹撰詩四章以誌

云

羽林遙從玉輿來花萼迎旌爛漫開淑景人人爭就日歡聲  
處處動成雷承恩幸接龍顏近眷舊新聞鳳詔裁特賜易名  
頒大典小臣銜結重增哀

憶昔先臣守一甌遭逢

聖主賜陶甄匪躬原屬傾葵分異數頻承湛露偏乙夜披陳  
邀顧問孤踪才立荷矜全未終報稱旋歌薤猶仰

恩華到墓田

祇因親老憶江鄉

詔許歸田奉北堂日月照臨光自近雲霄瞻仰道偏長迎鑾  
幾度叨殊澤晉秩當年拜寵章稠疊

恩多難負荷九京猶自矢兢惶

考行稱名世所欽秩宗定議協官箴一生終始邀

宸鑒兩字褒崇慰夙忱堂構豈堪承世澤班聯特許厠詞林  
多慚父子蒙高厚彌矢微臣捧日心

吳卜雄

字震一德清人康熙庚辰進士官河南

提學僉事著百莊詩鈔山邊一樓藁  
戚芸生曰震一本錢塘之棲水與吾邑接壤遂隸籍焉  
所著詩詞爲毛稚黃徐蘋村諸先生所賞溫麗可誦

嚴孝子歌

仇能殺父父有子未報大仇身不死見仇髮如蝟毛立鐵斧  
斫仇仇腦裂血淚雙襟濺仇血長吏捧首聽獄辭誰令殺人

白晝時不共戴天同入地安用宗元復仇議

雲深卽事

村前村後是漁家漁火黃昏點點斜水底一鈎新月好莫教

輕槳蕩菱花

黃百藥

字棄疾宗義長子  
餘姚人有留窮艸

張廷枚曰棄疾先生幼患背疳遂以支離廢初作詩豪邁雄壯既悟非已本色轉爲酸楚激淒之音鄧上萬斯同題其集云十年棲一壑抱膝恣長吟筆墨消愁得雲山發興深人方愁我輩天不絕知音携向林邊讀清風幾度侵

俞寶華曰留窮艸入

欽定

四庫  
詩目

蕭寺雜言

齒頰蔬硬日聾盲禿筆巢蜂硯集蠅松露古根還化石柳髡  
細杪盡生藤枯瓢偶挂僧如客禪榻長眠客當僧釋藏五千

儒萬卷一齊看似挂枯骨

強顏僧畔語無生獵獵西風幾度驚  
住借僧寮無寸土夢回猿淚落三聲  
蒲盧祝後看停管脈望成仙羨嗜經  
每每五投訊佛火楞楞鳥陣起殘更

客病驚心歲序遷秋風慘淡夕陽天  
蓋簷瓦少通山氣補褐鉞多似水田  
半晚離經侵上下畢生嚼味昧中邊  
強將萬慮都拋却刈草鋪牀枕石眠

孫

藻

字芳巖一字廣乘嘉善人

俞寶華曰芳巖郡志稱其事嫡母以孝待寡姊妹恩義備至辛酉讓漕事起力持公論蓋好義人也詩亦多摯性語見尊閣詩藏

紀別

眇眇戒晨輶逝將適幽燕春寒苦行役衣襦夾深綿離觴酒

未御征馬嘶我前親故盡相送揮手珊瑚鞭去去復回顧行  
行私自憐下馬重入門少婦倚離筵君將萬里行家事難棄  
捐哽咽不能語淚下如潺湲春華繫遊思奚獨惜盛年

喜友人過話

綠繞小樓西同聽鶯鳴啼飛花午簾靜殘雨暮山低松好銜  
杯對桐宜覓句題久虛高士榻長語惜分攜

九日登太白樓

九日他鄉客登高太白樓浮雲千樹夕落葉萬山秋景物青  
齊舊文章李杜留趨庭心倍切極望淚雙流

孫大志

字廣其仁和  
人著松鱗集

汪嘉穀曰廣其嘗學詩于  
毛西河太史得所指授

留別盧硯堂舅氏

聚久那思別別時翻自憐空聞殷浩詠長愧魏舒年落日催  
行客愁腸不繫船櫂歌當路發回首意茫然

游西山岫雲寺

長廊迴竹圃閒宇傍槐陰好友同元度賢師卽道林歸雲看  
入檻流水聽如琴安得違塵俗時存物外心

郭襄圖

字皋旭一字匡山平湖人貢生

携李詩繫匡山自壯至老奔走四方無所遇曹秋岳贈句云苦吟經戰伐短褐老乾坤風味可想俞寶華曰皋旭性好奇嘗泛舟入海期年乃歸一日殺仇于市賴友人李蘭乙得脫與沈季友同輯柘上遺詩

著瘦生集選入別裁

贈別鮑子昭

看君心事欲凌雲客裏悲歌日易曛每笑成名皆豎子翻因  
長揖重將軍焦桐未盡留知己白鳳時吞只賣文憶向五羊



同叱石燕臺相見又離羣

同人雅集送邵樾公歸武林

高館張燈夕風流四座傾飲拚金谷罰人倚玉堂清烏絹紛  
嘉客紅牙按妙伶燕臺傳勝事良會託嚶鳴

十樣蠻牋好當筵句盡佳歡場忘異地狂態屬吾儕折簡前  
期定歸人後夜懷如泥還自笑應比太常齋

一別當湖市飄零客裏身久凋雙綠鬢倦踏軟紅塵屢醉扶  
頭酒殊慙折角巾三朝便長至葭管動灰新

之子推英妙飛揚亦酒徒看花遲上苑攀柳卽長途傾倒誇  
珠履殷勤勸玉壺春開風景麗搖艇到西湖

丁文策

字叔范一字固菴錢塘人著有高寄軒集

俞寶華曰固菴爲文力闢堂與同郡陸麗京諸人創立壇坫天下翕然從之名登樓社已而奉母隱于河渚

兩浙輶軒錄補遺卷二

當事聞其名屢召不出以布衣終

同人小集

吳山佳氣滿前峯  
曉日層軒翠萬重  
往歲琴書嘗對酒  
故人風雨自携筇  
南陽龍臥雲皆溼  
東國鶯啼柳正濃  
今日不嫌重秉燭  
衝泥歸去亦從容

沈家恆

字漢儀一字巨山錢塘人

俞寶華曰巨山家貧好客遇良友輒慷慨沉飲或勸以少事生業對曰良朋樽酒吾故藉以生者子即方舟清風店題壁

自歎何爲者  
離家萬里程  
烟雲分朔漠  
風雨近邊城  
衰鬢經秋白  
鄉心入夜深  
盧頭雖有酒  
相對倍傷情

徐容

字大猷一字珂月海寧縣貢生候選訓導著有種書生詩稿四卷

都中留別陳匏廬太史

陳蕃能愛我下榻忽經秋人海憐羈宦閩江嘆客游時太史薦容就

館福建學使行裝詩滿篋時勦少傅廷儀以款對堂及諸公送行詩見贈祖席酒

阿公署中盈甌此別五千里思君獨上樓

俞長策字叔世桐鄉人康熙癸未進士官編修

施嵩日編修于康熙壬午

南巡獻賦特賜五經解元癸未又恩賜進士與館選入則供奉

內廷與纂修之役出則奉使川陝充典試之官可謂極稽古之榮者矣

餅梅次吳鳳味韻

水邊籬落一番新折得疎枝正早春冰雪姿同冰雪句名花

原合伴幽人

楊存理字天根一字性夫海寧人康熙癸未進士官兵科給事中

題一菴兄中坦梅下放飲小照

載鶴西湖夢已陳花時縱酒已禁春掉頭不向煙波去何處  
還尋戴笠人

黃正誼

字直方一字遮湖宗義次子餘姚人國學生有黃山行脚詩草

徐彥和曰黃子平生雅好遊而慕黃山也久一日由浙東往裏糧入山八百里之間巖谷幽奇多所遊歷所至之處輒有詩紀之

黃山怪松歌

吾嘗習見黃山松石壇瓦盆舞虬龍及登黃山得縱觀始信  
昔時所見真庸庸迎送二松大門路大根倚石俯虛空側挂  
亂垂數十丈餘根累染塵沙蹤不知當日先結大根于空際  
徐引支根有所麗抑豈支根零星附石鱗然後彙成一本如  
結鬚至于一送與一迎幹古柯靈乃其次  
以上迎送松一線天邊  
蒼龍臥根沿石壁斗許大蜿蜒屈曲數丈餘幹長僅約三千

可枝柯偃仰欲下垂恰有大石倚山荷

以上臥龍松

始信峯圻松

接引得度危梁賴附佐要識勝地產異物造化呈巧豈能作

以上接引松

擾龍松對始信峯怒生而起石爲破飛揚四布凌虛

空下垂一幹實遠播傀怪奇譎不可言迎風一吼萬松和羣

植林林遜不如稱曰帝松不爲過

以上擾龍松

把門二松僅偉壯

蒲團松遠止一望因未及觀不敢妄措詞其餘穿崖渡壑怪

怪奇奇不能多名狀吁嗟乎黃山之松何獨古萬山骨立無

片土千載野馬積微塵松實偶落生機吐鬚短幹低骨格奇

滋養稀微反媚嫵譬如人窮詩始工大智奇材出艱阻今人

睹松奇乃悵不知愈奇松愈苦君不見平岡大阜多凡材皆

從地厚土多享福來

莊

歆

字肇升一字爽軒秀水人江南籍康熙乙酉副貢生官河南密縣知縣著休休吟

利折肱野錄補遺

卷二

莊歆

錢景陳

均

完

山中曉發

徑繞山腰一綫通  
朝陽未起露濛濛  
輕衫著體看看重  
人在千層溼翠中

錢

景

字景舒一字錦山仁和人康熙乙酉舉人

西河詩話一日杭郡名士集東城藥園作送春詩錢景集唐二首其一用王建杜甫句每度暗來還暗去暫時相賞莫相違其二用翁綬白居易句百年莫惜千迴醉一歲惟殘半日春各相顧歎絕

題朱鹿田刻曲集

十年曾憶志山經  
盡歷金庭與玉京  
今日披圖如遇故  
却輸健筆敵長庚

早識尋山又謝公  
應虛左版待詩筒  
細採名勝皆邀盼  
幸訪仙源及薤翁

陳

岫

字單升一字玉圃海寧人康熙乙酉舉人官績溪知縣著養中堂集

下灘

山形一何舒水勢一何迫茲從沱川遊朝朝欣利步一灘又一灘  
百里同咫尺操柁只一人衆力不容惜我聞有瘁灘水底藏怪石  
麻灘石更多往往怖過客快哉下灘船急行無晨夕雙槳按灘搖  
勢激弓弩射篙師心未厭尚欲呼風伯順運亦何常斯理須明白

上灘

濤頭憑高來洶洶怒氣迫十人扶一舟有舟仍徒涉一灘一尺高  
百灘卽百尺幾疑上青天水梯亦可惜所賴舟子能雙手拋亂石船  
如山上過却不驚坐客行行波稍平舉頭日已夕誰云山可移未信  
潮可射試觀下灘者何計呼將伯水面鷺鷥飛點破銀濤白

傅王雲

字孔木一字厚村會稽人康熙丙戌進士官聞喜知縣

邊詞

十萬羽林郎長驅度白狼期門屯上谷驃騎是中黃朔雪埋  
孤壘昏沙卷戰場還將漢公主來嫁左賢王

古小學弔蕺山先生

仗節當年出漢庭深衣黃髮此談經中臺耆碩新遷謫柱史  
文章舊典型原上萇宏應化碧斗邊傳說尚騎星孤臣九死  
留祠廟霜幹長看檜柏青

曹

樞字建中一字裕齋桐鄉人康熙丙戌進士官江蘇如皋知縣著鶴舟漫草

汪嘉穀曰鶴舟詳請蠲賦邑人為建祠祀之濫淹沒農田  
三百餘頃鶴舟詳請蠲賦邑人為建祠祀之濫淹沒農田  
文端贈詩云憶昔諸生時益友資直諒俗嗜競紛葩恢  
謫各異狀先生守正則努力去冗長註脚六經師揮手  
百川障南宮冠冕尊東魯茲歌尚錢塘梁文莊贈詩云  
先生本名儒談經奪上席一行試吏事腰肯遭屢折翻



然賦遂初功名付一懶  
景三徑還似昔可想見其梗槩云

仙巖寺示博濟上人次劉仲謀韻

丹崖翠壑入仙巖  
曲徑峯迴轉石帆  
獅嶺堆青排法座  
虎溪流碧潤金函  
伊蒲分饌饒清供  
蓮社留題列舊銜  
夜共生公頻擊鉢  
繽紛花雨點征衫

贈右衛二格

數椽瀟灑對山樓  
排闥青來可臥遊  
隨分雞豚閒自課  
忘機花鳥意相投  
君懷遼海心如鶴  
遼陽我歎桑榆鬢  
已秋閉戶消愁惟有酒  
從他歲月去悠悠

吳關杰

字見山  
左都御史涵子康熙丙戌進士官山東兗州知府

汪嘉穀曰見山喬梓詩俱從其家乘中摘存殘缺失次其遺集無有存者可慨也

甲午除夕

檢點終年幾笑羣多添白髮尚沉淪味無味處尋吾樂材不  
材間託此身城角吹殘行改歲寺鐘敲斷又逢春寒燈挑罷  
紅爐冷也作京華待漏人

和陳滄洲使君直廬詩

君恩霑兩世感念出蝸廬駕乏新驂馬攜惟舊 賜書八男

真是累十畝更無餘自顧慚迂拙愁難賦子虛

俞光晟

字叔穎海鹽人康熙丙戌進士二甲第一名官戶部侍郎

沈德潛曰公視學江左時諸生進謁相接如先生弟子論文行外兼及詩品畫理以二者皆公所長也清風和氣至今猶想慕之

俞寶華曰家少農典試山左視學江南士論翕然頌其廉明著海樹堂雜錄蔭華軒筆記靜思齋文集俱載郡志惜後人移家錫山遷徙之餘遺文不得復見

吳宮曲

館娃春深晝寂寂美人列坐彈瑤瑟自裁白紵六銖衣回雪  
流風侍君側清歌珠串杳入雲梁塵不動花續紛繁弦急管  
停復作當筵催進泥金裙軍聲殷殷來携李犀甲晶瑩照秋  
水破楚門東鐵騎圍君王夜醉扶不起白紵歌殘事已非洞  
庭漁唱雨霏霏至今城上烏啼急猶聽吳孃夜搗衣

邵錫光

字克大一字恢齋康熙丙戌進士官祿  
勸州知州有兩爾吟賦輪臙咏種謠草

浙江通志錫光善決疑獄清江縣何氏夫死族人誣氏  
毒其夫獄已具錫光奉檄覆檢傷在臂曰此陰症也冤  
遂白

### 憫河夫

一日遲給糧飢焰灼臙腑二日折給銀十分短四五腴剝任  
爪牙何塗籲憲府長跼訴長官祈念貧役苦一訴長官慙再  
訴長官怒差役督工程鞭箠倍嚴楚天高叫不聞忍悲淚如

雨

諸起新

字千維一字卓山餘姚人  
康熙丙戌進士授檢討

芍藥

廣陵佳種傍春栽移向名園取次開  
夜露有香深別院朝雲無夢駐  
芒臺羅衣試暖鶯先老綃帳留寒蝶未回  
最是郊圻饒絕豔香車寶馬逐塵來

汪繼燦

字倬雲一字恬村秀水人康熙戊子舉人官河南  
道監察御史吏科給事中著恬村吟橐燕臺小草

視臺草雙

椿草堂集

白雲紀聞先給事中奉使海外歸揚帆過鹿耳甚駛忽  
風勢挾雨暴如注浪飛立從船首入聲如雷風愈猛則  
蓬桅愈欹蛟蜃夜出空海如沸正惶惑不辨南北遙見  
雙燈隱隱出沒水面舟師喜曰此巡海船也使十數人  
挾舵舵不得轉隨之行瞬息千里光熒熒然追之不可  
近迨曉風稍平而陰霾瀰漫始泊一島嶼下碇有物觸  
舟視之則元香天妃像夜之雙燈蓋  
神導也歸而築宮以祀至今嚴奉

命邊

汪嘉穀曰先高祖初任兵曹旋以河南道監察御史巡視臺灣轉吏科給事中未復銜恤歸卒于家高安朱相國爲撰墓志謂公著作皆金

國

家之盛者凡立朝奉使梗概具見志中而公本生考中翰公諱文桂公考戶部公諱森與同城公諱文柏卽世所稱汪氏三子者也故公生平所爲詩不愧淵源有自云

張日容新構園亭造訪有贈

青葱喬木古城東隙地新開得數弓  
仲蔚於今亦好事不教

三徑滿蒿蓬

雲護閑階老薜蘿  
花源幽折類巖阿  
不嫌屐齒蒼苔破  
看竹

敲門欲屢過

鑑湖懷古

寥落荒祠傍水涯  
高低阡陌足桑麻  
東籬殘菊飛寒蝶  
古戍斜陽噪晚鴉  
偃蓋虬松纏薜荔  
籠煙鳳竹接蒹葭  
鑑湖一曲

今猶昔湖畔人家非賀家

放翁豪邁世無倫游宦歸來不諱貧滿徑徧栽湘水竹一簑  
閒釣鑑湖鱗索居飯飽如拳蕨款客羹挑滑箸尊水色山光  
圖畫裏持尊何處酹詩人

抵臺陽

奉

命梯航賦遠征無多儻從旅囊輕乘風有願追宗慤擊楫無  
勞羨祖生萬里恬波通貢道

九天使節重專城水程亦有郵籤報歷徧重瀛十一更

偕索崑麓侍御閱木城因登戍樓遠眺是日寒食

週遮萬木護羣黎氣象居然雉堞齊門禁寧如煙禁暫譙樓  
不逐市樓低墻閒觴豆紛肴核海面帆檣息鼓鼙靡及有懷

瞻

北極使車此日手同携

安平陸操諭所閱將士隨戒期海閱柴頭港

訐謨南顧奠巖疆海外諸番隸版章遙島旌旗宵映斗邊城  
鼓角曉凌霜腹心可寄

天威振甘苦能同士氣揚待看潮頭齊避弩樓船犀兕肅軍  
裝

崑麓侍御索題行看子

松濤鶴唳伴長吟只許寒泉寫此心既有襟期屬霄漢可知  
鐘鼎卽山林

金介復

字晉民一字心齋烏程人康熙戊子副貢生以子祖端貴贈文林郎

楊秉初曰心齋詩不多見然卽采蓴曲已卓然名家

采蓴曲

采蓴采蓴水中央采茶采茶山之陽采茶山中雙足繭采蓴  
一葉隨風轉阿儂采蓴不采茶湖南還采芙蓉花

三月四月蓴抽絲七月八月滑如脂采蓴采蓴須及時及時  
不采蓴易老可憐棄作泥中草

俞兆曾

字大文海鹽人康熙已丑進士官元城知縣

俞寶華曰元城公為少農弟少時譽重名流衍聖公曾聘修闕里誌查初白贈詩所謂春風白馬俞家郎是也詩存者絕少

丁巳夏五至湖口喜晤諸同人

三年蹤跡悔飄蓬千里音書遠尚通却幸挂帆排逆浪得令  
刻燭對薰風平安問到親知切離別談將景況同望裏匡廬  
供嘯咏偕君直探上霄宮



陸紹琦

字景韓一字微巖嘉興人康熙已丑進士官太常少卿

嘉興府志紹琦凡與文字之任者六一以公勤奉職在粵西却田州土司餽金有第一學政之頌手書遺訓言平生不妄交一人不妄爲一事不妄取一錢聞者信之

題青虬鍊師爲副憲錢公畫冊

人煙歷歷古杉青竹樹微茫入杳冥指點戍樓疎柳出夕陽影落落帆亭

白社紅樓一徑分故家曾此樹榆枌愛聽簷葡林中梵不上荒涼翁子墳

煙消雨歇苧蘿清小水添來潑櫂輕桑柘陰多游冶少提筐人在板橋行

歸去曾無種秫田不須幽處問林泉耦耕他日容偕隱願傍城南結數椽

兩浙輶軒錄補遺

卷二

陸紹琦 陳世倌 詹銓吉

五

陳世倌

字公佐一字鹿巖海鹽人康熙己丑進士官都察院副都御史著成齋詩藁

陳傳經曰家副憲詩藁失傳僅得使東安四律因錄其一以志其人

奉使賑濟東安述懷

賑徧東西四百鄉

天庾粒粒飽民腸分番哺飼蠶供葉列隊來回蟻別行葑宇

暮炊烟起穗茆檐晨爨釜生香巡村每日歸差喜菜色於今

盡減黃

詹銓吉

字卜臣遂安人康熙己丑進士官檢討著雙柏軒壽樟樓等集

登神山塔讀先侍御公詩

豈徒鸚鵡始名洲不假鵬鵬恣壯游三十埋輪輝節鉞一經

對策擅春秋宦成日月消林壑詩老江河納衆流遺像儼然

天柱並白雲深處卽丹邱

楊中吉

字二師一字謙堂海寧人侍郎雍建子康熙辛卯舉人候選主事

楊秉初曰謙堂公與先曾祖艾軒公最友愛學術文章互相砥礪所刊文彙悉艾軒公手定後艾軒公宦中州

尺書往還頗多唱和之作

惜其彙盡佚無一存者  
俞寶華曰謙堂主政為以齋少司馬季子身居華胄勵學如寒素後以孫嗣會貴贈福建巡撫

題一菴兄中坦梅下放飲圖

不入朝廷不入山野人風調託衣冠瘦節老去無煩倚短筇  
春來却耐寒世上繁華多變幻甕頭風味足盤桓林家高致  
今何在留得孤芳獨自看

褚菊書

字榮九秀水人康熙辛卯舉人官江南滁州知州

詞科掌錄榮九有凡案才為滿洲閣學伊公所薦不與試

嘉興府志菊書與徐人講學賦詩脩前賢故事後引疾歸著易經象數臆解讀杜臆說投筆齋集  
俞寶華曰榮九詩其後人以全集見示故所選較詞科掌錄為備

兩浙輶軒錄補遺

卷二

楊中吉

褚菊書

史其義

癸

東阿道中曉發

疎竹推簾夜颯然山城一片水雲連續將殘夢三更雨望斷  
荒村十里煙紅棗交枝多似棘白楊翻葉小于錢蹇驢得得  
行偏健纔出東齊又北燕

秋夜感懷次韻

漢落天涯到處安東書孤劒兩相看蓋公狂態非關酒范叔  
窮途不是寒舞袖郎當慵入隊蛾眉零亂妬無端就荒三徑  
行恩闕十載輪蹄興已闌

史其義

字允周一字介夫餘姚  
廩生著有西園遺稿

楊秉初曰介夫先生好學能文凡經籍均小楷手錄年  
七十餘尚勵志棘闥與同邑翁選標陸烈齊名邵兼山  
龍山草堂合選多刻其文尤長于易理詩則隨意爲之  
不求甚工然遺稿中五言如野雲狂捲樹山雨怒翻秋  
七言如山橋野店惟孤客寒食梨花又一春  
卽終日苦吟者亦不能勝其琢句之工也

樊江

秋山疎木葉落日沒村烟客夢還鄉醒沉疴向老痊亂蒿張  
蟹籬雙槩賣菱船有酒堪謀醉高歌一扣舷

甘露寺多景樓

層樓出天半多景數秋毫過眼千艘疾橫空一雁高暮烟京  
口樹落日海門濤恨不攜騷客臨風醉濁醪

冬日閒居

此身塵事苦相牽得賦閒居亦偶然室有客來因有竹門無  
吏擾爲無田每賒酒至皆花露新製裘成但木棉連日小春  
天氣好只應情味向詩偏

張

崧

字道平龍  
游諸生

春日遊靈鷲巖

巖巖倚碧空不與衆山同松影搖窗裏泉聲出戶中龍歸春  
雨細虎嘯晚風雄未盡登臨興留連西復東

周

銘

字心盤一字惺菴慈谿諸生著有客窗雜味

同人約顧墓看桃花雨阻不果

御史墳前欲問津桃花十里艷三春未知邱壑尋常路誰是  
風流我輩人結伴扶筇偏阻雨呼童買酒不辭貧幾回總被  
天公誤始信仙源有夙因

偶成

山齋何寂寞幽邃若元關掬水尋源遠參禪笑石頑雲移花  
影動風促鳥飛還悟得無生理心清意自閒

陳光斗

字聚南一字月鄰錢塘人贈文林郎著有聽竹軒稿

孤山二絕句

山僻游人少  
亭荒野鶴無  
離離秋草裏  
何處弔林逋  
我懷孤蹤人  
還向孤山去  
日暮竟忘歸  
愛看梅幾樹

兩浙輶軒錄補遺卷二終